



Zirhtupawl Khiihmuhtu

Biblethu Level 1 le 2

C Series
Zirnak 7-12

Bible Educational Services

Registered Charity UK (No 1186004)

Tumtah Mi

Leitlun pumhuap a ra lai ding mi san hrang Jesu Khrih thutak thlën dingih pehtlaihawkternak hrang Bible zir ding mi suahsak hi a si.

Duhthusam

Leitlun pumhuap ih pumpeaw mi hnaṭuanpipawl bāwm le ṭhansoternak ah anmai ṭawng rori in zirdān ding kan timlam mi thawn a ra lai ding mi san thlenpi dingah a si.

THUTLANGPI THEIHTERNAK

BES in ziang a tuah:-

BES (Bible Educational Services) cun “Biblethu”, “Nun Thar” le “Sarkhawmtupawl” (Gleaners) ti mi Bible zirnak peksuah le UK le ram dangdangih Carek Bible Tlawng (Postal Bible Schools) le BES Bible zirnak hmangtu pawlkāwmpawl va tlawnnak, thurawn peknak in le *training* peknak pawl ih va bāwm hna a ṭuan. Culawng si loin, BES cun himi Bible zirnak lehlin, mawi zetih an leh mi tawlrelsak, namsak le zemsuahnak hna cu leitlun ram dangdangih pawlkāwm dangdang hnenah a ṭuan. Himi zirnak cu a lak in tlawngta hnenah pek a si.

Biblethu ti mi Bible zirnakpawl hi a hmaisabik ah Southern Ireland ah kum 60 liam zo ah man a rak si. BES (Bible Educational Services) cun English in le ram dang ṭawngpawl in Biblethu zirnak cekfelnak hna a ṭuan vivo.

Biblethu zirnakpawl hi A4 cahnah ih nam ṭheu mi a si ih, zarh li ah vei khat suah a si ṭheu. Cutin a zirtu tlawngtapawl in an zirnak cahnah asilole cabu kha BES Bible tlawngah hmat cek dingih an kuatsal. Tu naite in Belfast khua ih um Every Home Crusade (Revival Movement) in A5 cahnah hmangin thla ruk hrang zirnak cu cabu in in namsak ih, cutin kawhhran le Bible tlawngpawl ih hman a remcang deuh ngaingai. Cuti vekih namsaktu kan neih hi Pathian kan thangt1at ngaingai a si.

BES Bible zirnak hi phun dang zet a si, inn ah siseh, kawhhran ah siseh, tlawng ah siseh zir thei dingih timlam mi an si. Zir ding mi a sangsang tein kum 20 tiang lai zir ding daih ih tuah mi a si. An kum izirin a level a level ih zir ding mi zirnak timlam an si. Tualleng tlawngta hrang- level 0, kum5-7 hrang-level 1, kum 8-10 hrang-level 2, kum 11-13 hrang-level 3, kum 14-16 hrang-level 4 tiih zirnak timlam an si. Level kip hrangah kum 3 sung zir ding a um (cahmai 4 nak zoh aw). Nauhak kum izirin timlam mi a si ko nân, nauhak hrekkhat cu cathiam le thluak cak hleice khal an um thei ih, zamrang deuh khalin zir theitu an um ding. Biblethu ti mi zirnak hmanrua hin Nauhakpawl Pathian Kamsuakthu le Bible thuanthupawl zir thei nak can remcang a pe hai, cuih an zir mi thupawl cu an nun ih ṭul mi le hman thei mi, an nun lam tluan hruaitu ding an si.

Mirang ca ih zir a duhtupawl hrangah BES website – www.besweb.com asilole *International Secretary* hnenah ihsin zir ding mi zirnak ngah theih an si. Ṭawng dangdang khalin BES website an hngah theih a si.

BES Pehthlainnak ding Address

International le Northern Ireland Secretary (stockist of all lessons)

37a Belmore Street, Enniskillen, Northern Ireland BT74 6AA

Phone: 00 44 286 632 2462

UK Secretary

Mr Stephen Gillham

Email: stephen.gillham@besweb.com

Web address: www.besweb.com

Email address: info@besweb.com

Myanmar Address

Mr Timothy Sui Lian Mang, Biblical School of Theology, SweLynban, No 156,

Hlaingtharyar, Yangon, Myanmar

Phone: 095103980

Email: timothysuilianmang@gmail.com

ZIRHTUPAWL KAIHRUAITU

A thawk pekte ahcun Biblethu timi Bible zirnak hi Carek ih kuatawk i zirnak Carek Bible Tlawng (Postal Bible School) hrangih timlam le din mi Bible zirnak a si. Asinan Carek thatlonak ram, thimnakah India ram le Africa ram tivek ah hi Bilel zirnak hi an hmang nasa. Zirtupawl kaihruaitu timi cabu hi cuvek hmun le ram ih um, Biblethu timi Bible zirnak hmangtupawl hrangih suah mi a si. Himi Zirhtupawl Kaihruaitu timi cabu hi level 0, 1 le 2, kum 5-10 hrangih timlam mi a si. Level 0 zirnak cu zir theih ding ih nam mi a si lo. BES website sungah free in nan download thei.

Zirnak Kaihruaitu hin Biblethu zirnak ih a hman mi Bible bung le câng thothe a hmang. Biblethu zirnakpawl le Zirnak Kaihruaitu cabu hi zarh tin hrangih timlam mi an si. April thla ih zir ding mi cu thosal thu thawm pehparaw mi thu an si ih, December thla ih zir ding mipawl cu Khrismas thu thawm an pehparaw.

Hmun hrekkhat ah A4 cahnah ih nam mi zirh tin hrang zirnak an hmang ih, hmun hrekkhat ah cun A5 cahnah hmangih cabute ih suah mi zirnak 24 um mi an hmang. A tlangpithuin zirhtu in thla tin A4 cahnah ih nam mi zirnakpawl a pesuak ding ih, zarh tin tlawngtapawl in an zirnak Biblethu cu inn ah an tlun pei ih, zarh khat hnuah an run kengsal ding. Cutin thla khat hnu ah Saya cun tlawngtapawlih zirnak cahnah a cek thluh ding ih, hmat a pe ding, cule tlawngtapawl hnenah a pekir thluh ding.

Cabute ih suah mi hmangtu cun zirnak pakhat a cem tinten cabu cu lakhawm salin a cek ding a si. Asinan hmun tampi ah cumi cu thil harsa zet, thil cang thei lo tluk a si. Tlawng phun ih zirnak tuah asile, saya in a phi hman ngan thluh sehla, tlawngtapawl kha an cabu thleng awter thluh in, saya ih tuah mi a phi hman kha saya in a sim hai pei ih, an rualpi cabu sungih an phi mipawl kha a hman le hman lo an ceksak ding. Cutin hmat khal an pecih ding. Hmat pekdân le kâwmdan khal thaten simfiang ding an si. Thla khat cem zawnih saya ih fakselnak ti mi te ah khan saya in tlawngta ziang tlukin a thatangso, a tumsuk ti mi ngannak ding tuah mi ah khan ngansak tengteng ding a si. Thla ruk zirnak a theh tikah certificate te khal pekcih ding a si.

SAYA HRANG TIMLAMNAK

Sayapawl in anmai ruahnak le tha an ti mi hmanna um lo ko tuah kan tum lo. Kan tarlâng ding mipawl tidan lawng hman ding tinak a si lo ih, hitin teh ti uhla a tha pei maw tiih ruahnak peknak fang men a si.

- **Thuanthu kha theifiang zet aw** – Saya cu Bible thuanthu le Biblethu zirnak thu kha theifiang zet seh. Biblethu zirnak thupawl kha saya cun siar cia in, thei thluh cia seh. Zirnak kip hrangih kaihruaitu kan pek mi kha saya cun thaten siar in ruat seh.
- **Zir ding mi kha theithiam cia thluh aw.** – Zirnak kip i tluntabik ah khin “Kan zir rero lai” ti mi theh ah zirnak ih tumtah mi pahnih nauhakpawl in saya ih zirhnak a theh le Biblethu zirnak an tuah theh tiki an theihfiang ding mi na hmu ding. A pakhatnak zirnak ih tumtah mi cu thuanthu theihnak a si ih, a pahnihnac cu an theih mi ruat dingin, nunpi le thungrulhnak tuah tengteng dingih thapek hi a si. Zirnak ih tumtah mi cu zirlai mi sungih a thupitnak thu hlawm fiang zetih phawrhuah le zirhtupawl in rem an ti asile an zirh rero laiah thlirkirsalnak phun in a hmanpi thei a si.
- **Theihter aw** – Zirnak hmuahhmuah kha, nauhakpawl an nun ih an tawnteh mi in kan thawk. Zir ding mi thuanthu kha nauhakpawl hnenah theihternak, tawthawhnak a phunphun kan hmang.
- **Zirh aw** – Thuanthu ihsin a Tawhfung bik kan lasuak. Saya in thuanthu a sim tikah khaih thu kha sim lohli lo dingin kan duh, cuhnakin khaih thuanthuih tawhfung kha an lunglut ding zawngin thuanthu a sim tikah sim sawn seh. Nauhakpawl in thuanthu ihsin zir ding mi an theih ding kha Saya in a tum pei ih, khaih thuanthu kha an nun ih an thungrulhdân ding khal an thilung ih ruat thiam dingin a tum pei. A remcandân in thuanthu kan sim tiki simfiang ding mi kha “*cafang tlu*” in kan ngan ding.
- **Zir aw** – Thuanthu kip ah Bible Câng pawimawh hril mi na hmu ding. Vaw hnih khat ah cun Bible Câng pawimawh pahnih khal na hmu ding, ziangah tile khaih Bible Câng pawimawh kha nauhak in a zir dingih kan tumtah mi an zirngah thei nak dingah bawmtu a si. Nauhakpawl in Bible Câng pawimawh kha an zir kan beisei ih, Bible Câng pawimawh hril mi kha kan sim leuhleuh ding mi an si. An cinken ih, an *byheart* ding rori kha kan tumtah mi a si.
- **Biblethu zir ding mi le tuah ding mipawl kha tuah thluh aw** – Tlawng ah cun thusuhnak phi dingin an thiamnak dinhmun kha saya cun a thei ih, ziang tlukin thusuhnak kha phiter ding ti cu saya thu thu a si. Mi hrekkhat cun anmah te siar thei khal an um men thei. Nauhak dinhmun izirin saya in a tawlrel thiam a tul. Tlawng ah si loin hmun dangah himi Bible zirnak na hman asile, a zirtu nauhakpawl kha tha zetih ngaihsak le bawm an tul hleice ding. Nauhakpawl in thatho zetih zir dingin thapek a pawimawh zet.

- **Cing ringring aw** – A cang thei tawkin thusuhnawpawl kha an phi thei nak dingih simfiang kha a thupi tuk. Thuanthu kha simsal tla a ʔul ding.
- **Hmuh hai aw** – A hmun le ram ruangah maw, neih mi thil ih a daih taw lo ruangah simaw zuk zohter ding ngah ding a har khal a si men thei. Nauhakpawl in an zir mi thei thei dingih mit ih zoh le hmuh mi an neih hi a thupi tuk ti hngilh hlah aw. A cang thei tawkin zuk zoh ding na ngaihtuah pei. Zuk hin thuanthu kan sim mi theifiang thei dingih le thatho zetih ngai dingih nauhak a bawm thei zet. Internet hman thei nak ah cun himi website ah hin www.freebibleimages.org zuk tampi ngah theih a si.
- Zuk *copy* thei nak *photo copy* umnak ih na um asile, himi Bible zirnaw sungih zukpawl hi tumpi pi in na *copy* thei ding ih, nauhakpawl zirnaw ah bawmtu ʔha zet an si ding.

Bible Cāng pawimawh zirh

- 1) Bible cāng kha cahnah parah asilole calungpi parah na ngan thei, cule nauhakpawl kha na siarter hai pei ih, ʔawngfang malteten na phiat vivo pei, cutin cuh Bible cāng pumpi an *byheart* tikah a zaten na phiat pei.
- 2) Bible Cāng *byheart* ding mi kha *byheart* thei dān a phunphun ruat awla, *byheart* pi aw.

Cān Hmandān ding Ruahmannak

- **A sangsangten** – Nauhakpawl zirnaw hrang dān thlun ding cu zirnaw kipah kan telh ko, asinan saya in bangrep ringring si loin, phun dang deuhin thleng a duh khal a si thei.
 1. Thuhmaihruai le thuanthu simnak ah – minit 15 hrawng
 2. Bible Cāng pawimawh zirnaw ah – minit 5-10 hrawng
 3. Nauhakpawl ih ngan ding le khat ko zuk suai ding pawl tuahnaw ah – minit 20 hrawng
 4. Thusuhnaw le a dang cangvaihawk ah – minit 5-10 hrawng.

Hi ʔawngkampawl hi cing ringring aw:

“I sim aw ka hniglh pang ding,
A hmuh awla ka cing ring ring ding,
I telter awla ka theithiam thei ding.”

Biblethu Zir Ding Mipawl (Bibletime Syllabus)

	LEVEL 0 (Tlawng ngaingai kai thei hrih lo pawl) LEVEL 1 (Kum 5-7) LEVEL 2 (Kum 8-10)	LEVEL 3 (Kum 11-13)	LEVEL 4 (Kum 14+)
THAWKNAK ZIRNAK SERIES	1. Thawktu Zirnak - Thuhmaihruai	1. Thawktu Zirnak - Thuhmaihruai	1. Thawktu Zirnak - Thuhmaihruai
SERIES A	1. Sersiamnak 2. Noah 3. Peter 4. Peter - Khraws 5. Abraham 6. Abraham 7. Peter 8. Peter 9. Jakob 10. Khristian Hmaisapawl 11. Paul 12. Khrimas Thuanthu	1. Sersiamnak 2. Noah 3. Peter 4. Peter - Khraws 5. Peter 6. Abraham 7. Jakob 8. Thlacamnak 9. Paul 10. Paul 11. Paul 12. Khrimas Thuanthu	1. Sersiamnak le Tluksiatnak 2. Atir lamih thansonak - Semtirnak 3. Peter 4. Peter - Khraws 5. Peter 6. Abraham 7. Jakob 8. Khristian Nun 9. Paul 10. Paul 11. Paul 12. Khrimas Thuanthu
SERIES B	1. Khrih Nun Lam tluan Hmaisa 2. Thilmakpawl 3. Bethany 4. Khraws 5. Tahthimnakpawl 6. Joseph 7. Joseph 8. Jesu Tawngtupawl 9. Mosi 10. Mosi 11. Mosi 12. Khrimas Thuanthu	1. Tahthimnakpawl 2. Thilmakpawl 3. Bethany 4. Khraws 5. Khristian Hmaisapawl 6. Joseph 7. Joseph 8. Thuthangtha Ngantupawl 9. Mosi 10. Mosi 11. Mosi 12. Khrimas Thuanthu	1. Tahthimnakpawl 2. Thilmakpawl 3. Bethany 4. Khraws 5. Khristian Hmaisapawl 6. Jakob le a Sungkua 7. Joseph 8. Apo 2: 42 – Hmai lamih lamzin 9. Mosi 10. Mosi 11. Dān 12. Khrimas Thuanthu
SERIES C	1. Daniel 2. Thilmakpawl 3. Jesu Tawngtupawl 4. Khrih Thihnak 5. Ruth le Samuel 6. David 7. David 8. Joshua 9. Elijah 10. Elisha 11. Jonah 12. Khrimas Thuanthu	1. Daniel 2. Jesu Tawngtupawl 3. Thilmakpawl 4. Khrih Thihnak 5. Ruth 6. Samuel 7. David 8. Joshua 9. Elijah 10. Elisha 11. Pathian hman mi mipapawl - Thukhamhlun 12. Khrimas Thuanthu	1. Daniel 2. Jesu ih Tawn mipawl 3. Bawipaih Huham 4. Khrih Thihnak 5. Ruth 6. Samuel 7. David 8. Joshua 9. Elijah 10. Elisha 11. Thukhamhlun Mi hrekhat 12. Khrimas Thuanthu

C7 Thuanthu 1

David a tlan – Himi thuanthu cu David-ih rualpi tha zet thu a si.

	Kan zir thei mi thu hnih: - Jonathan cun David a bawmnak in rualpi tha a sinak a langter. - Bawipa Jesu cu kan rualpi tha a si thei. Cang hril: 1 Samuel 20: 17 Bible Thu hlawm: 1 Samuel 20: 1-42
THEIHTER AW	Level 2 nauhakpawl cun rualpi tha sinakih tlinnak, mi pahnih teten can rei lo te sung ruattlang dingin hmang hai seh. Cuisin an ruah mi ciar relsal hai seh. An rel mipawl cu a tawi zawngten calungpi parah hmingsin uh. Mi pakhat harsatnak a tawn laifang rualpi tha sinak a langter mi rel uar aw, thimnakah... mibawmtu rualpi, kilhimtu rualpi... tivek... Group tin in an rel mi zohthim tlak rualpi tha ziaza hawlsuah tum uh. Level 1 nauhakpawl hrangah humhimnak langtertu, thimnakah... lukhuh, harawtnak le ha si, kut hruh hlum le tuamawknak kawr hmuh hai aw. Khai thilripawl lakih pakhat hril hai sehla ziangtin mi a kilhim ti rel hai seh. Pathian in kilhimtu ding – nu le pa, kum upadeuh in pe ti simfiang hai aw. Tuisun ah David-ih rualpi tha in ziangtin a kilhim ti mi kan zir ding a si.
ZIRH AW	- C6-nak sungah David-ih thuhla zohkirsalnak hmangin thusuhnak thupideuh sut hai aw: David-ih nun ah Pathian tumtah mi ziang a si? Ka hnuah siangpahrang na si ding tiah a simtu siangpahrang kha zo saw? Saul in David a iksik ti mi thu nauhakpawl sim hai aw. Ziangruangah cu vekin a tuah ti sut hai aw. A san si thei mi cu Koliat a thah ruangah, ral tampi a neh ruangah, Pathian in a umpi ruangah. Saul in a iksiknak thu nauhakpawl mangtersal aw (C6 Thuanthu 4). (Level 2 hrangah iksiknak in ziangtin a hngawngtel mi le Bible in iksiknak thu ziangtin in zirh ti sim hai aw) - David-ih rualpi tha zet, Saul-ih fapa Jonathan thuhla mangter hai aw. “Thuhmaihruai” ih na tarlan mi rualpi tha ih ziaza in Jonathan khihhmuh aw. - Siangpahrang Saul cun ni ziang maw zat sung puai ropi zet a tuah. David cu tel ve dingih beisei a si, asinan a hrangah himin a thei lo. Saul in tuahmawh a tumnak in Jonathan cun David bawm a duh. Hramlak ih lo pakhat ah tawngaw dingin khawkhannak an nei. David cu dinhmun thihnung, asilole himnak hmun ah a um a si khalle, cu tawkah hmingsinnak hmuh a duh. (1 Samuel 20: 4-23). Pathian in David a ngaisak ti cu a nunnak humhim dingih rualpi a pek mi hmangin a langter. - A ni hnih in puai ah David a ra lo ti Saul in a thei. A tuahkir mi simfiang hai aw. (1 Samuel 20: 27-34). Jonathan in ziangtin a khansa ding tiah na zum? Jonathan in ziang a tuah ding ti ral rel lawk cia hnih aw. Thudik zate simin, David tlunah a rinumnak a langter pei maw? <i>Biblethu zirnak sungah David-ih dinhmun a derthawm ti thei dingah hman a si thu a tel lo. Thuanthu ngai nuam tuk mi a si ti thei hai dingah a cipciarin na simbet thei.</i> A thaizing ah David a relhnak lungkua umnak hramlak ah Jonathan cu a va feh. A zawngah nauhak pakhat a hruai. Nauhak pa cun thal cu a duhnak lamah a sai. Ka dinhmun a derthawm a si tihmuhsaknak a si ti David cun a rak thei cia zo, cule a himnak dingah a tlan a tul fawn. (1 Samuel 20: 35-40) - Nauhak pate cu a thal thawn khaw sungih va kirsal dingin Jonathan in a sim hnuah David le Jonathan cu beaw dingin ah can tha an ngah. <i>Jonathan vek rualpi a neih hi David in ziangti vekin a khansa pei.</i> Pakhat le pakhat mangtha aw tiawk cu thilhar zet a si, asinan rualpi tha si ringring dingin thutiamnak an nei. (1 Samuel 20: 41-42) <i>In Rundamtu dingah Bawipa Jesu kan sawm asile Bawipa Jesu cu kan rualpi tha a si thei ti reltlang uh. Khraws parih kan hrang a thihnak, kan nun in kilhim ding le bawm dingih a rinum mi a duhdawtnak thu a huapkauzia kaupin relbet aw. Thuhmaihruai ih rualpi tha ih ziaza thawn pehpartersal aw.</i> Biblethu zir le tuah ding mipawl tuah thluh aw. Hmuh hai aw: FBI – Jonathan le David cu rualpi tha si dingin thu an tiamawknak. (I)
ZOHSAL AW	Cang hril hi a tul asile zirh awla, simfiang aw – 1 Samuel 20: 17
NUNPI AW	Nauhak rualpi tha nei mi an um asile thal sainak thawn thusuhnaktua pi hai aw. Hi thusuhnakpawl cu lam tang pahnih in then aw: - Saul in David kha ziang vek si dingin a beisei? - Ziang tikah Saul in David a tawngngah lo? - Saul in David kha ziang vekin a sawnkirsal? - Jonathan le David khui hmunah an tawng aw? - Pakhat le pakhat ziang thu an tiam aw? - Jesu cu mi pakhat ih rualpi thabik ziangtin a si thei ding?

C7 Thuanthu 2

David in Saul-ih nunnak a zuah – Himi thuanthu cu David in Saul a ngaidamnak thu a si.

	Kan zir thei mi thu hnih: • David cun Saul tlunah phuba laksal a tum lo. • Ziangtin mi dang kan pehtlaihnak ding ti mi ah Pathian in a dik zet mi hrlinak tuah ding in duh. Câng hril: Efesa 4: 32 Bible Thu hlawn: 1 Samuel 24: 1-22
THEIHTER AW	Duhum lo zetih nauhak tuah an tawn mi dinhmun reltlang uh. Ziangtin an sawnsal pei? Cuvek dinhmun tawnsal cu an duh pei maw? Nauhak in a rak pehtlaihter mi dinhmun a cekci zohthim ding hman thei zuam aw. Bawipa Jesu cu in Rundamtu a si le mi dang ngaidam ding le lamzin dik hrl dingah in bawm ding a si. Tuisun thuanthu sungah David in siangpahrang Sual a pehtlaihdân an zir ding a si.
ZIRH AW	<i>Thuanthu hmaisai sungih Saul in David a pehtlaihdân zohpisal aw (C6 Thuanthu 4 le C7 Thuanthu 1).</i> • <i>David a thuhawknak ramthing simfiang aw. Lungkua kaupi le a sung thim zet mi thu relpi hai aw! Saul cun a milai 3000 thawn David a hawl. David le a milaipawl an thuhawknak lungkua hmun ah Saul cu a va feh. A thuptei thlingthlakawkdân tuah uh – Saul in David a hawl hmu pei maw? Lungkua dung lam a kiangnaite ah David a um ti Saul in a thei lo. (1 Samuel 24: 1-3)</i> • <i>David-ih milaipawl cun Saul thahnak cân remcang zet a si ti an hmu, curuangah Saul that ding an nawr. David in tuah dingih a hrl sawn mi phawrhswak dingih nauhakpawl bawm hai aw. David in Saul a thah ding cu thil dik a si maw? Saul cu Pathian hriakthih mi si cingin thil tha lo tampi a tuah ti simfiang aw. David cu siangpahrang a si leh ding tiah Pathian in thu a tiam ti nauhakpawl simfiang hai aw. Cui thutiam cu mi pakhat khat in an tidanglam thei maw? Koliat a thah tum ah le Saul in a feipi thawn thah a rak tum tikah Pathian in a kilhim a si. David-ih nunnak taktak cu Pathian kut sungih um mi a si ih, zohman in Pathian tumtah mi le a nunnak ih a hnañuan an kham thei lo ti sim uar aw. Pathian ih khawkhan mi cân teah David cu siangpahrang a ñuan ding a si. (2 Samuel 2: 1-4)</i> • <i>Ka hrangah Saul thah ding cu thil dik a si lo ti David cun a thei. Ziangtin Saul-ih kawrcung zim a thuptein a tansak ti simfiang hai aw! Lungkua sungin Saul a suah hlan sung David cun a hngak. (1 Samuel 24: 4-7)</i> • <i>Cuisin lungkua luhnak kâ in David cun Saul cu a hei auh. Mangbang le lau zetin a um thu sim hai aw! David cun Sau-ihl kawrcung a tansak mi cu a hei hmuh. Saul in ziang thu a mangsuak pei? David in Saul-ih nunnak a zuah thu a simfiang. Saul-ih thinlung a khengngah riai. Sual cun a parih David a thatzia thu le tha zetih zoh le tuamhlawn ding a si thu a theifiang. Cuisi cun Saul in David a dawi nawn lo ih, thah a tum nawn lo. (1 Samuel 24: 22)</i> • <i>David in Saul a pehtlaihdân hi Pathian ih in pehtlaihnak a langter a si. Kan phu lo mi a ngilneihnak le ngaidamnak kan hnenah a langter a si. Bawipa Jesu a thihnak thawngin sualpawl ngaidamnak lamzin in tuahsak. Bawipa Jesu kan zum ih, kan sualpawl ngaidam a si ahcun a keneh thlunin, mi dang ngaidam duhnak kan nei ve ding a si.</i> Biblethu zir le tuah ding mipawl tuah thluh aw. Hmuh hai aw: FBI – David in Saul-ih nunnak a zuah. (I)
ZOHSAL AW	Câng hril hi a ñul asile zirh awla, simfiang aw – Efesa 4: 32. Himi câng hi a tlangpithuin then thum ah a then aw, curuangah nauhakpawl in an cawn ih, an tuahcih thei nak dingah group thum ah thenaw ve hai seh.
NUNPI AW	Level 2 -nauhakpawl cun mi dang va ngaidam thu cawng ve thei dingah mi bur malte then in lehnak an tuah thei (“Thuhmaihruai sungah zoh aw”). Level 1 nauhakawl in tuisun ih thuanthu ih câng hril langter dingah cahnah tumpi thawn ceimawi mi – thatnak, lainatnak, ngaidamnak an tuah thei.

C7 Thuanthu 3

David cu siangpahrang a si – Himi thuanthu cu Pathianin a thutiam a kilhim timi a si.

	Kan zir thei mi thu hnih: • Pathian cun David cu siangpahrang a si tiang a hnenih a thutiam a kilhim. • Siangpahrang ropisawn thuhla Pathian in David hnenah a pe. Câng hril: 2 Samuel 5: 4 Bible Thu hlawm: 1 Samuel 31: 1-6, 2 Samuel 5: 1-11
THEIHTER AW	Kan hnenih thutiam an tuah mi tikcu rei zet kan hngah theu thu reltlang uh. Nauhakpawlih tawnteh mi zohthim ding pe aw. David cun tikcu rei zet a hngak. Nauhakpawl ih an theih cia mi thu in thusuhnak tuahpisal aw, asinan a tul lawngah timlam aw. David cu siangpahrang sungkua ihsi ra mi a si maw? (thimnak.. siangpahrang a si maw?) Si lo, David cu ram uktu a si lo. Anih cu zaran sungkua ihsin ra mi a si. Ziang a tuah theu? (tuu khāl a si) Zo in siangpahrang si dingah a hril? (Pathian in – siangpahrang dingah Samuel in hriak a thih.) Siangpahrang dang um khal sehla David cu Pathian hril mi a si ruangah a tumtah mi vekin a thlengter ding a si. Cumi cu zo so a si? Saul cun a parah harsatnak thlen hman sehla David cun Pathian a rinsan thocho.
ZIRH AW	• Ni khat cu Saul le a fapapawl doawknak ah thah an si. Tha lo zetih rak tuahtu Saul a thih ruangah le a rualpi tha zet Joanathan a thih ruangah David cu riahia zetin a um. (1 Samuel 31: 1-6) • Mipi cu zamrang zetin David hnenah an ra. <i>Ziangruangah si pei?</i> David cu Israel mipi tuu rual khāltu ding le anmah uktu ding a si ti an theiher. <i>David in tuu a khalh lai thu in pehtlaiter aw.</i> David hnenih Pathiam thutiam mi cu a takin a thlengkim! Siangpahrang a tian tikah David cu kum 30 mi a si! (2 Samuel 5: 1-5) • Pathian-ih ralpawl in an rallak mi Jerusalem kawpi cu David in a lakirsal. Cui hmun ah David cun siangpahrang inn mawi zet a dñ. David cu a cakdeuh deuh a si ti in theiher, ziangruangahtile Ziangkimtithi Bawipa in a umpi a si. <i>Pathian umpinak kan tul ve a si ti nauhakpawl zirh hai aw.</i> (2 Samuel 5: 9-11) • David cun Pathian biaknak hmun Biakinn sak a duh. Hih san tiang Biakbuk hmun in Pathian biak a si ti nauhakpawl simfiang hai aw. Pathian-ih profet pakhat a si mi, Nathan cun David hnenah Pathian ih tumtah mi thuchah a si lo thu a theiher. David hrangah Pathian in mangbangza a tuahsak mi cu Nathan hmangin Pathian in David a theiher, cule David sungkua pakhat cu kumkhuain siangpahrang an si ding thu mangbangza thutiam dang a pe. <i>Cui thil a takih cangsuak ding zo a si pei ti nauhakpawl sut hai aw. (Bethlehem khua i suak mi naute asilole mifimpawl in an rak hawl mi kha zo a si ti thu pawlh hai aw.) David in ziang tluk nasa in Pathian a thangthat pei ti mi lungawipi dingah nauhakpawl bawm hai aw. (2 Samuel 7) David in Pathian a thangthatnak tawngkam hrekhat na siar the..thimnakah... câng 22.</i> Biblethu zir le tuah ding mipawl tuah thluh aw. Hmuh hai aw: FBI – Siangpahrang David in thukham kuang Jerusalem ah a tlunpi (I)
ZOHSAL AW	Câng hril 2 Samuel 5: 4-nak hi David siangpahrang a sinak rellangtu a si. Kalatia 2: 20 sungih lang mi, Level 1 le 2 Biblethu hi kan hrang Bawipa Jesu in in tuahsak mi mangbangza thu khaihawmnak a si, hmsin dingah a tha zet ding.
NUNPI AW	Level 1 nauhakpawl in lal lukhum mawi zetin rawng hnih hai seh. “Zo so” ti mi thusuhnak cun David-ih thuanthu zohkirsalnak hrangah a si: • Zo in Siangpahrang na si ding tiah David a tiam? • A pai inn ah David hriak a thihtu kha zo a si? • David in herhli thawi a thah mi kha zo a si? • Feipi thawn David thah a tumtu kha zo a si? • David-ih rualpi tha zet kha zo a si? • Zo so lungkua sungih thup aw? • Ral doawknak ah zo a thi? • Daivid in zo a thangthat?

C7 Thuanthu 4

David le Mefibosheth – Himi thuanthu hi David-ih ngilneihnak thu a si.

	Kan zir thei mi thu hnih: - Mefibosheth hnenih ngilneihnak a lăngter mi in a rualpi Jonathan hnenah David in a thutiam a thlun. - Pathian in kan hnenah ngilneihnak a langter ve. Cāng hril: 2 Samuel 9: 7 Bible Thu hlawm: 2 Samuel 9: 1-13
THEIHTER AW	Tu ih kan rel lai rero mi thu thawn pehparin mi dang hnenah ngilneihnak langtercih thei nak lamzin hawl uh, thimnakah... mi dang a tlusia mi, thil hngilh nei, phurrit nei, tuah ding tampi nei, lehipi nei lo hnenah ziangtin ngilneihnak na langter thei ding:? Tlawng an kainak dinhmun in, ngilneihnak an lăngter mi, asilole zohthim ding mi nauhakpawl na sut thei. Tuisun ih thuanthu sungah David in ngilneihnak lăngternak ding mi pakhat a hawl. Mi dang hnenih ngilneihnak lăngter hi tuah ding mi thil tha a si ti ruahnak pe hai aw!
ZIRH AW	- Ziangti vekin Pathian in David hnenah a thutiam a kilkhawi ti kan zir thei mi thuanthu 3 sung ta nauhakpawl mangtersal aw. Tu cun David cu siangpahrang a si thlang ih, ram sungah daihnak a um. Asinan David cun a rualpi tha zet Jonathan le an karlahi thutiam mi a hngilh thei himhrim lo. <i>Mi dang thawn thutiam kan tuah mi thlun ding hi thil dik a si ti sim thei hai aw.</i> Ngilneihnak a lăngter thei nak ding hrangah Jonathan-ih sungkua sungin mi pakhat tal a tang lai mi an um maw ti a ruat nasa. Mi pakhat tal theih mi a neih pangah tiah David cun Saul-ih siahlawh Ziba a sut. (2 Samuel 9: 1-3) - Ziba cun Mefibosheth a ruatsuak lohli. <i>Riahsiatumza Mefibosheth-ih thuhla le vansiat a tawn mi khihmuh hai aw. Cuvek cingih Mefibosheth a thanlen cu ziangtin a khansa pei? Nauhak mi bur umkhawm lakin harsatnak le buainak neitu nauhak an um maw ti ngaihven hai seh, cule an nunnak ih thil tha an co mi ruangah Pathian hnenah lungawi thu sim dingin tha pe hai aw.</i> Mefibosheth cu Jerusalem in hmun hla nawn ah a um, cule anih cu ke in a feh thei lo. Siangpahrang umnak hmun feh dingih sawm a si tikah ziangtin a khansa pei ti ruattlang uh. (2 Samuel 9: 3-5) <i>A tih pei maw?</i> - Siangpahrang David in zianghman tih lo dingin Mefibosheth cu a sim. Cuilakah David cun thil tha tuah a duh sawn hi a si. Jonathan ruangah ngilneihnak lăngter a duh, ziangah tile David le Jonathan tei pahni cu rualpi tha zet an si. David cu Mefibosheth tlunah a tih a siang. <i>Pakhat le pakhat laksawng pekawk ding zuk, asilole thilpek na tarlang thei; (1) Siangpahrang Saul ih neih mi leiram; (2) Leiram le siahlawh tampi; (3) siangpahrang cabuai ih to ve. Siangpahrang thawn rawl eitlang cu siangpahrang sungkua lakihi pakhat vekin a pehthlai tinak a si.</i> David in a pek mi cu Mefibosheth cun tangdawrtin a cohlang ih, David-ih ropitnak le ngilneihnak a takin a theifiang a si. (2 Samuel 9: 6-13) <i>Hih thuanthu cun kan tlunih Pathian ngilneihnak thei dingah in bawm a si. Kan sualpawl cun hmun hlapi ah in umter theu, asinan Pathian in in ngaidam duh ih, a sungkua ih cohlan in duh a si. Hivek duhdawtnak co ding cu kan phu himhrim lo, asinan kan hrangih thi, a Fapa Jesu Khrih cun cang thei ko a tuah a si. Bawipa Jesu Khrih ruangih Pathian-ih ngilneihnak kan co mi săwnkir ve dingin nauhakpawl ngair hai aw.</i> Biblethu zir le tuah ding mipawl tuah thluh aw. Hmuh hai aw: FBI – David in ngilneihnak Mefibosheth hnenah a langter. (I)
ZOHSAL AW	Tuisun ih Cāng hril a si mi Bible thu hlawm hrekkhat zirh hai aw. Titus 3: 4 “Asinan Rundamtu Pathian ih ngilneihnak le duhdawtnak cu minung hnenah a rung lang zo.”
NUNPI AW	Level 2 -nauhakpawl in Pathian in kan hne ih lainatnak a lăngter mi langter dingah tar ding mi a bur in tuah hai seh. Level 1 nauhakpawl cu thusuhnak tawi an nei thei. Thusuhnakpawl cu siangpahrang-ih cabuai zuk dung lamah ngan ding a si. - Ngilneihnak nei siangpahrang kha zo a si? - David-ih rualpi tha zet kha zo a si? - Zo in Mefibosheth thuhla David hnenih sim? - Mefibosheth a nauhak laiah ziang a cang? - Mefibosheth hnenah David in ziang thu hnih a sim ? - Khui hmun ah Mefibosheth in tuisi thawkin rawl a eithlang ding? - Zo in kan hnenah ngilneihnak a langter? - Cāng hril sungin tawngfang retkhat aw “Asinan ----- le duhdawtnak cu minung hnenah a rung lang zo.”

C8 Thuanthu 1

Joshua cu hruaitu thar a si – Himi thuanthu cu Pathian kan hnenah a um ti theihnak a si.

	Kan zir thei mi thu hnih: • Pathian in kanmah te in tan ta dah lo ding. • Tuah dingih in pek mi hna tuah dingah Pathian in in bawm. Câng hril: <i>Joshua 1: 9</i> Bible Thu hlawm: <i>Joshua 1: 1-18</i>
THEIHTER AW	Tlawng asilole khaw sungih ñuanvo a nei mi nauhak an um maw sut hai aw. Hmun hla ih um asile ziangtin a cang ding? Zo in ñuanvo a lang ding ih, zo saw ñuanvo neitu? (thuneitu a si men thei) Ñuanvo neitu mi pakhat a thupitnak thu reltiang uh, thutluknak tuah ding a si, mawhphurhnak neitu bik khal a si. Hotu sinak le dân le dân tuah cu tu-ah cun hnihsuakza vek tla a bang, asinan an tuah ding mi hna khihmuh hnik aw. Himi thuanthu cu mi pakhat bawmtu, Mosi a thih hnu in Pathian in a mipawl tlunah mawhphurhnak a pek mi a si. Tu cun Mosi in a mipawl Ram tiam ih hruaithlen ding ñuanvo a nei.
ZIRH AW	• Pathian cun Joshua hnenah Mosi a thi zo, tu-ah, mipipawl hi Ram tiam ah hruai hai aw tiah a sim. (<i>Joshua 1: 1-2</i>) • Mipipawl cu Jordan Tiva tan dingih an timtuahaw, cule Pathian in kum tampi liam zo mi ih a rak tiam mi ram a pe thlang ding a si. Kum 40 liam zo mi ah Israel-mipawl cu hi hmun ah an rak um zo, asinan Pathian zum loin an rak sual, curuangah ram car ih vakvai din in Pathian in a tan ta hai. (<i>Joshua 1: 3</i>) • Pathian in Joshua cu cak zet le ralþa zetih um dingih a sim leuhleuh. Ralþa zetih um a ñul, asinan ziang vek thil a thlang a si khalle ka lo tan ta himhrim lo ding tiah thu a tiam. (<i>Joshua 1: 5-7, 9, 18</i>) • Pathian in Joshua cu Mosi hnenih a rak pek zo mi dân le thupekpawl a mangtersal. Cupawl cu Joshua in a thlun le a zir a ñul. Pathian thupekpawl a thlun asile mipipawl cu anmai inn thar ah thlawsuah a pe hai ding a si. (<i>Joshua 1: 7-8</i>) • Joshua cun an thilripawl timtuah thluh ding le pawksuak ding man cia dingih a sim hai. Mipipawl cun Joshua hnenah Mosi thu an lun le an dung an rak thlun vekin kan tlun ding a si tiah thu an tiam. (<i>Joshua 1: 10-11, 16,-18</i>) • <i>Bawipa Jesu kan rinsan ih, kan nunnak ih cêng dingah kan sawm asile a thutiam vekin in umpi ding ih, in tan ta fawn lo ding a si.</i> Biblethu zir le tuah ding mipawl tuah thluh aw. Hmuh hai aw: FBI – Mose a thi ih, Joshua cu hruaitu a hung si. (I)
ZOHSAL AW	Câng hril hi añul asile zirh awla, simfiang aw – <i>Joshua 1: 9</i>
NUNPI AW	Thuanthu zohkirsalnak ah hmangin nauhawkpawl a hnuai lamih thusuhnalpawl sut hai aw: • Zo a thi zo? • An tankai mi tiva hmin kha ziang a si? • Ziangtihi um dingih Pathian in Joshua a sim? • Joshua hnenih Pathian thutiam mi ziang a si? • Joshua in a siar le zir ñul mi ziang a si? • Mipi in ziang tuah dingih an lungkim?

C8 Thuanthu 2

Joshua le ram thar – Himi thuanthu cu Pathian maksaknak rinsan ti mi thu a si.

	Kan zir thei mi thu hnih: • Pathian in a tumtah mi tuahsuak dingah miphun dangdang a hmang. • Pathian cun a thutiam a kilhim a si. Câng hril: <i>Joshua 2: 24</i> Bible Thu hlawm: <i>Joshua 2: 1-24</i>
THEIHTER AW	Thlingthlatu an theih mi nauhakpawl sut hai aw. Mi va thlingthlak a thupi bik ih an ruah mi ziang a si? An kaihngah asile ziang a cang? Ralpawl hrangih na thlingthlak lai kaihngah mi si bang awla, nauhakpawl in ziang tin an ruat pei? Himi thuanthu cu mi pahnih Jeriko khawq sungah Joshua in a thlah ih, khawpi sungih cêng nunau pakhat in ziangtin a bawm hai ti mi a si.
ZIRH AW	• Mi pahnih cu Kanaan ram sung le Jeriko khaw sungah Joshua hrang va thlingthla dingin thlah an si, cutin mipi in ziangtin cui ram cu do ding an si ti an theihnak dingah a si. Jeriko khua cu khawpi tum zet, khawpi luhnak kawtkâ tumpi nei le kulhngnet khauh zetih kulh mi a si. • Mi pahnih cu Rahab ti mi mi nu hnenah an va feh. Vansiat thlak zetih, thlingthlatupawl cu an rak hmungah, cule Jeriko siangpahrang an va sim. (<i>Joshua 2: 1-2</i>) • Siangpahrang cun mi pahnih cu rak thlah dingah thu a cah, asinan Rahab cun mi pahnih cu a hruai ih, inn tlun ta diphun parah a thup. Siangpahrang ih rak thlah mipawl hnenah cun an tlai tuk zo, an fehnak a rei zo tiah a rak ti. Siangpahrang-ih ralkappawl cu an kirsal ih, hmuhngah tumin khawpi leng lam tiang an va hawl. (<i>Joshua 2: 3-7</i>) • Cuisin Rahab cu an hnenah a feh ih, Israel-mipawl tih ah khawpi zaten tihnak in an khat thluh tiah a sim hai. Pathian in a tuah zo mipawl thuhla an rak thei thluh ih, khawpi a siatsuah ding a si ti khal an rak thei cia. Rahab cun amah le a sungkua himten umter dingin a dil hai. (<i>Joshua 2: 8-13</i>) • A thuptei an rat thu zohman sim loten a um asile himten kilkhawi hai dingin thu an tiam. Cule annih cun pat hrisen tukvirh ih rak thlai dingin an sim, cutin inn sungih um mi zatei an him thei nak dingah a si. Thlingthlatupawl cu tukvirh ih hri in an dawpthla, cutin an luat thei. (Rahab-ih inn cu khawpi kulh parah a um ti khihmuh hai aw, cule anih cu khawpi sungih nuhmei a si) (<i>Joshua 2: 14- 21</i>) • Thlingthlatupawl cu Joshua hnenah an thlengsal ih, Pathian in a umpizia le khawpi cu tihnak in an khat ti mi thil umdân ziangkim an va sim thluh. (<i>Joshua 2: 23-24</i>) Biblethu zir le tuah ding mipawl tuah thluh aw. Hmuh hai aw: FBI – Thlingthlatupawl le Rahab. (I)
ZOHSAL AW	A t̄ul asile câng hril hi zirh awla, simfiang aw – <i>Joshua 2: 24</i>
NUNPI AW	Thuanthu zohkirsalnak hrangah a hnuai lamih thusuhnakpawl hi nauhakpawl sut hai aw: • Joshua in thlingthlatu paziat a thlah hai? • Zawi inn bik ah saw thlingthlatupawl an va thlen kha? • Rahab in khui hmun ah thlingthlatupawl a thuh hai? • Thlingthlatupawl ih tuah ding a dik mi kha ziang a si? • Ziangtin thlingthlatupawl an tlansuah thei? • Joshua hnenah ziang thuhla an simsal?

C8 Thuanthu 3

Joshua le Jordan– Himi thuanthu cu Pathian-ih huham thu a si.

	Kan zir thei mi thu hnih: • Pathian tuah dingah thil cang thei lo a um lo. • In dil mi kipin Pathian thulung ding kan si. Câng hril: <i>Joshua 3: 5</i> Bible Thu hlawm: <i>Joshua 3: 1-17, 4: 1-24</i>
THEIHTER AW	An khawruahnak ih thil cang thei lo tuah ding mi thil pakhat nauhakpawl sut hai aw. Inn ih tuah ding asilole tlawng ih tuah ding a si nan an tuah thei lo mi. Ziangtin buainak an tifel thei? Mi dang bawm thei tu zo tal an um maw? Himi thuanthu cu Joshua ho in Jordan Tiva an tankai thu a si. Joshua hrangih buainak um mi cu tiva ti a tam tukih a kawr a khat thluh hi a si, cun lilawn le a um lo, hēlnak ding le um hlah. Himi buainak tifel dingah Pathian in Joshua ziangtin a bawm ti kan hmu ding a si.
ZIRH AW	• Joshua le mipi cu an riahmun ihsin pawk dingah an timlam ih, Jeriko lam panin an thaw aw. Jordan Tiva kapah an cawl, cule an puamthlam an zar. (<i>Joshua 3: 1</i>) • Ni 3 hnuah, mi kip an riahmun ihsin thawnaw dingin Joshua cun thu a cah hai. Thukham Kuang zawntu puithiampawl dung thlun ding an si. (Himi cu bawm phundanglam zet, Pathian umpinak langtertu a si). A thaisun khal mipi cu timtuahawsal dingin Joshua cun a sim hai; an hrangah Pathian in mangbangza thil a tuah ding a si. (<i>Joshua 3: 2-5</i>) • Joshua cun puithiampawl cu mipi hmaihi feh dingin a sim hai, cule Jordan Tiva cu ke in tan ding a si. Joshua ih a sim vekin puithiampawl cun an tuah, cule an ke in ti a dai veten ti luanglai cu a ding, cule puithiampawl cu lei ro parah cun an ding. (Tidai a rak um cia ti thei in, leilung a cîn lo, a ro ti khihmuh hai aw). (<i>Joshua 3: 6-16</i>) • Mipi zate cun tiva cu lei ro parah fehin an tan, cule Jeriko naihnak hmun, tiva khat lam ralah riahbuk an sam thei. (<i>Joshua 3: 17</i>) • Lungto 12 Jordan tiva sungin an la ih, tiva khat lam ralah an ret, cumi cun khaih ni ah Pathian in an hrangih a tuahsak mi hngilhlonak hrangah a si. • Ziangkim an tuah thluh hnuah, Joshua cun puithiampawl cu tiva sungin ra suak dingah thu a pe hai. Puithiampawl ke in lei ro an pal veten an hlan vekin tidai cu a luangsal. (<i>Joshua 4: 1-9</i>) • Cu tikah mipi cun Mosi hnenih a rak um vekin, Joshua hnen khalah Pathian a um a si ti an theifiang. (<i>Joshua 4: 14</i>) • Pathian kan rinsan ih, a Kamsuakthu kan thlun ve a si ahcun in bawm ve ding a si. Biblethu zir le tuah ding mipawl tuah thluh aw. Hmuh hai aw: FBI – Jordan an tankai. (I)
ZOHSAL AW	ZIR AW Câng hril hi a t̃ul asile zirh awla, simfiang hai aw – <i>Joshua 3: 5</i>
NUNPI AW	Thuanthu zohkirsalnak hrangah a hnuai lamih thusuhnakpawlii a lehnak nauhakpawl sut hai aw: • Ziang tiva saw mipi in an tankai kha? • Tiva sungih vung feh hlaisabik kha zo saw? • An feh phahah ziang an phur? • Tidai kha ziang a cang? • Mi paziat tiva tankai ding an si? • Tiva sungin ziang an lakhawm? • Lungto kha ziang hrangah? • Joshua thuhla an theihngah mi kha ziang a si?

C8 Thuanthu 4

Joshua le Jeriko – Himi thuanthu cu Pathian in nehnak a pe ti mi a si.

	Kan zir thei mi thu hnih: • Zumnak cun ziangkhal tuah thei ding in bawm. • In dil mi kipin Pathian thulung ding kan si. Câng hril: <i>Hebru 11: 30</i> Bible Thu hlawm: <i>Joshua 6: 1-25</i>
THEIHTER AW	An ñih mi thil ña nauhakpawl relpi hai aw. Ñihnak cun ziangti cangvai dingah a tuah hai? Thil hote pakhat tuah ding sim hai aw, asinan an tuah ding mi cu an ñih lo ding asilole mibang lo deuh ah an ruat thei men? Himi thuanthu cu Pathian in Jeriko khawpi cak zet neh dingah ziang tuah ding a si ti mi a sim hai. An tuah ding mi hmuahhmuah cu tuah dingih a sim mi thlun le na hrangih Pathian tuahsak ding mi thlir a si
ZIRH AW	• Pathian in Joshua hnenah Jeriko va la dingah timtuah cia a si. Asinan man cia in an um ti cu a lang lo. Jeriko khawpi sangkâ hmuahhmuah an khar thluh, zohman a luh le a suah an siang lo. Annih cun him zetah an ruataw, ziangatile micak tumpi pi an si, khawkulh sah zet thawi kulh mi le a si fawn. (<i>Joshua 6: 1</i>) • Pathian hnenin tuahdân ding thuhla a dawn mi cu Joshua in mipi a sim sâwng hai. Khawpi leng lamin khaw kulh cu ni 6 sung hêl ding a si. Hmaisabikah ralkappawl an feh ding, cule puithiam pa 7 in tuu pa ki an keng, cun puithiampawl in Thukham Kuang an zawn ding ih, a kiltu in an thlun ding a si. Tuu pa ki phaw phahin mipi cun thawmvang lo ten khawkulh hêlin an feh. (<i>Joshua 6: 2-11</i>) • Zing tinten mipi cu tuanten an tho ih, khawpi cu an hel ñheu. (Himi cun cãn felten hman ding a si – khawpi tum zet khal a si. Jeriko khawmipawl cu khawkulh parin thawmvang an thlir ih, tukvirhpawl in an zoh ringring. Ni tin thawmvang lo ten khawkulh an hel cu mipi tampi ra in an ra hmu ko ding) (<i>Joshua 6: 12-14</i>) • A ni sarihnak ah, tuanten an tho ih, khawpi cu vei 7 rori an hel. Puthiampawl in tawtawrawt vei sarih an tum veten mipi cu au dingin Joshua in thu a pe cia. Mipi nasa zetih an au tikah Jeriko khawkulh cu a cim ta riai, cule ralkappawl cu khawpi sungah an lut ih, mipi hmuahhmuah cu an that thluh. (<i>Joshua 6: 15-21</i>) • Joshua cun Rahab va hawlsuak dingah thlingthlatupawl cu thu a pe hai (anmah bawmtu nunau kha), cule amah le a sungkua cu khawpi sungin an rak hruai ih, himnak hmun ah an hruai. Amah le a sungkuapawl cu runhim an si, cule cui ni thawkin Israel-mipawl thawn an umtlang. (<i>Joshua 6: 22- 23</i>) • Sui le ngun, hlawnthil ziang vek khal la lo dingin Joshua in thu a pe, Pathian hnenih hlan dingah Pathian inn sungah an retkhawm. (<i>Joshua 6: 24-25</i>) • Ralkappawl le mipi cun himi cu ral nehtu hrang lak ding si loin, Pathian hrangah a si ti an thei. Khawpi cu an siatsuah thluh, cule an urkâng thluh. (Jeriko khawpi cu khawpi sual le ñihnung um zet mi a si ti khihhmuh hai aw) • <i>Curuangah cun Jeriko khawpi doneh dingah Pathian in Joshua le Israel-mipawl a bawm hai. Pathian kan rinsan a si ahcun kan nunnak ih thil dik lo mi neh dingah Pathian in in bawm ding a si.</i> Biblethu zir le tuah ding mipawl tuah thluh aw. Hmuh hai aw: FBI – Joshua le Jeriko. (I)
ZOHSAL AW	Câng hril hi a ñul asile zirh awla, simfiang aw – <i>Hebru 11: 30</i>
NUNPI AW	Thuanthu zohkirsalnak hrangah a hnuai lamih thusuhnakpawl hi nauhakpawl sut hai ding: • Khawpi helin ziang an zawn? • Puithiampawl in ziang an phaw? • Mipi in ni tin vei ziangzat an hel? • Ni ziat sung hi vekin an tuah? • A ni sarihnak ni ah ziang an tuah? • Ziangin khawpi kulh a cimter? • Zo saw runsuah ih um kha? • Jeriko ah ziang a cang?

C9 Thuanthu 1

Elijah in Pathian thu a ngai – Himi thuanthu cu siangpahrang sual Pathian in nun a sim ti mi a si.

	Kan zir thei mi thu hnih: • Siangpahrang Ahab hnenah Pathian-ih thuchah an sim mi cu Elijah in Pathian thu a ngai tinak a si. • Pathian in Bible sungih a sim mi kan thlun ding a si. Câng hril: 1 Siangpahrang 17: 5 Bible Thu hlawm: 1 Siangpahrang 17: 1-7
THEIHTER AW	Nauhakpawl kha an ðul mipawl le duh mi tarlang hai sehla, a danglamnak tuah hai seh. Nauhakpawl ih hawl dingah pumpeaw thei relh dingah sim aw asilole thilri pakhat thup aw.
ZIRH AW	• Elijah cun siangpahrang sual Ahab hnenah thuthang sia sim ding a nei. Siangpahrang Ahab cun Pathian a duhdawt lo, anih cu Israel-mipawl in an neih dah nawn lo mi siangpahrang sual a si (1 Siangpahrang 16: 30 zoh aw). Anih cun pathian diktak si lo mi milem a bia, cule Israel-mipawl cu cu vekin a tuahter. Anih cun siangpahrang nu sual Jezebel nupi ah a ðhi. Ram pumhuap sungih thil ðha lo ruangah Pathian a thin a heng tuk, curuangah Siangpahrang Ahab cu hrem a tum. Pathian a duhdawttu, Elijah cu a palai dingah Pathian in a hril. Anih cun Ahab hnenah cân reipi Israel ram sungah ruah siseh, dai siseh a um lo ding tiah sim ding a si. Pehparawter aw 1 Siangpahrang 17: 1. Siangpahrang Ahab hnenah thuthang sia a sim mi cun Elijah in Pathian thu a thlun. • Cui thangthang sia a theih mi cu Ahab in ziangtin a khansa pei? A thinheng nasa. Himi ih a tican reltlang uh – hanghnah hangrah le thlaipawl an ðhang lo ding, rannungpawl le mipi in tidai in ding le rawl ei ding an nei lo ding a si. Siangpahrang Ahab cu a thin a heng nasa, ziangah tile Elijah-ih thuchah ruangah thah a duh! Asinan Elijah cu himnak hmun ih ret dingah Pathian cun khawkhan mi a si. Elijah cu va thupaw ding a sim! Elijah cu Keret tiva a satnak hmun ih va feh ding a si (NIV Kerith). Cui hmun ah cun tivate a um, cui tidai cu Elijah in ding a si. Cui hmun ah Pathian in ei ding rawl mangbangzain a pe ding a si. Zing tin le zan lam tinten tlangak in Elijah hrangah rawl le sa a hmun in an run thiarsak ding a si (vate tumpi, vate dum). (1 Siangpahrang 17: 2-4). Pathian cun Elijah cu a cawm ding a si. Elijah cu thulungin Keret tiva ah cun a va feh. • Ni khat hnu ni khat Elijah ih ðul mi cu Pathian a pe. Elijah cun tivate ta tidai a in ih, tlangak in ei ding rawl a pe. Tikcu a liam vivo ih, tivate ih tidai cu a kâng vvo ti a theithiam. Ziangruangah si pei? Pathian in a sim vekin ruah a sur lo. Tidai khal ni khat hnu ni khat a kâng vivo ih, a kâng lan ta. Elijah in ziang a tuah thlang ding? Elijah hrangah Pathian in tumtah mi a nei cia zo! A tuah ding mi cu thulun a si. (1 Siangpahrang 17: 5-7). • <i>Siangpahrang Ahab hnenah thuthang sia ðhningum sim khal sehla Elijah cun Pathian thu a lung. Tidai le rawl a peknak hmun Keret tiva ih a fehnak khalin Pathian thu a lung. Pathian in tuah dingih a hnenih a sim mi in Elijah in ralðhatnak a nei, cule a ðul mi pe dingah Pathian a rinsan.</i> • <i>Bible hmangin kan hnenah Pathian in thu a sim. Pathian sungkua ziangtin ka si thei ding ih, ziangtin kan nung ding ti in sim thei. Pathian in Bible ih a sim mi kan ngai ding ih, kan thlun ding a si. Amah a duhdawttu cu a ngaihsak ding ih, a cawm hai ding a si.</i> Biblethu zir le tuah ding mipawl tuah thluh aw. Hmuh hai aw: FBI – Tlangak in Elijah rawl a pe. (P & I)
ZOHSAL AW	A ðul asile câng hril hi zirh awla, simfiang aw: 1 Siangpahrang 17: 5. Nauhakdeuh hrangah câng hril a hrekhat lawng hrilsak aw.
NUNPI AW	Cahnah parah tlangak zuk suai uh, cule cumi tuah thluh dingah tissue/cahnah hmang aw asilole thusuhnak tawi tuahpi aw. • Siangpahrang sual pa le nui hmin kha zo saw? • Siangpahrang Ahab hrem dingih Pathian in tuah a tum mi kha ziang a si? • Pathian-ih tumtah mi siangpahrang sim dingah Pathian hril mi kha zo saw? • Siangpahrang Ahab in ziangtin a sawnkir? • Pathian in khui hmun ah Elijah a thlah? • Cui hmun ah Pathian in ziangtin Elijah a cawm? • Tiva tidai kha ziangtin a um? • Himi thuanthu in Elijah thu kan zir thei mi ziang a si? • Ziangtin Pathian kan thlun thei ding?

C9 Thuanthu 2

Elijah in Pathian a rinsan – Himi thuanthu cu Pathian in Elijah ih ÷ul mi ziangkim a pe ti mi a si.

	Kan zir thei mi thu hnih: - Elijah le nuhmeinu in an ÷ul mi pe dingah Pathian an rinsan. - Pathian in kan ÷ul mi kumkhaw nunnak in pe. Câng hril: 1 Siangpahrang 17: 14 Bible Thu hlawm: 1 Siangpahrang 17: 8-24
THEIHTER AW	Kan dung zarh ih zuk hmangsal aw, cule nauhakpawl in thuanthu simsal hai seh. Ziang a cang peh ti kan hmungah ding a si. Sangvut le siti hmuh hai aw. Ziang kan tuah thei ding? (sang) Ziang kan ÷ul lai? (meisa). Zanthing malte le sangvut malte hmuh hai aw.
ZIRH AW	- Pathian in Elijah cu Keret tiva suahtan dingin a sim, cule Zarefath khua ah vung feh dingin a fial. <i>Pathian in Elijah hnenih a sim mi hmangin a thu pehtlahter aw – cu tawkah nuhmeinu in rawl a rak pe ding a si. Nuhmei ti mi nauhakpawl hnenah simfiang aw.</i> Elijah cun thulungin thawza zet lakah a fehsoak. A ÷ulsam mi pe dingin Pathian a rinsan. Khaw sung luhnak a va thlen tikah, nunaunu cun thing hnge hreu (thing parin a thla mi) a khawm rero lai a va hmu. Câng 10-12 sungih an biakawknak sim hai aw. Ziangruangah nuhmeinu le a fapate in ei ding malte lawng an nei? Ruah a sur lo ih, thlainnah ÷hang mi an um lo. Rawl ei ding an neih lo ruangah mipi cu thi ding an si. (1 Siangpahrang 17: 8-12) <i>Elijah in nunaunu hnenih a sim milpe Pathian thutiam pehtlahter aw (câng 13-16).</i> Nunaunu in ziang a tuah dingah na ruat? Nunaunu cun Patian in a thutiam vekin a tuah ding ti a rinsan. A feh ih Elijah hrangah sang malte a va tuah, cule a tang lai mi in amai hrang le a fapa hrangah a tuah. Mangbangza thil a cang! Khêng sungih sangvut a zoh tikah a tang lai ih, thâwl sungih siti khal a um lai. Sangvut le siti hi cem thluh ding khi a mawi nân. Asinan ni khat hnu ni khat khêng sungih sangvut a cem thei lo ih, thâwl sungih siti khal a cem lo. Pathian in a sim mi vekin a cang taktak! A fapa, Elijah hrang le amai hrangah rawl ei ding an um ringring a si. Pathian cun a thutiam vekin a tuah. An ÷ulsam mi a pe hai a si. (1 Siangpahrang 17: 13-16) <i>A cemnak lam Bible thu hlawm (1 Siangpahrang 17: 17-24) cu Level 2 Biblethu ngannak ah tarlan a si.</i> Riahsiatzain ni khat cu nuhmeinui fapa bese zet in a na ih a thi. A nu cun Elijah hnenah a hei cawi. Nauhak pa cu a pindan sungah a cawilut ih, a ihnak ah a ret. Elijah cun vei thum rori thla a cam: “Maw, Bawipa, ka Pathian hi nauhak pa hi nungtersal aw,” tiah a ti. Pathian cun Elijah thlacamnak a cohlang, cule nauhak pa cu a nungsal! Nauhak pa cu pindanhnuai ta, a nu hnenah a hruai. Elijah, nuhmeinu le a fapa hnenah Pathian in ziang vek huham le ÷atnak so a langter! An ni tin ÷ulsam mi lawng Pathian in pe loin, nuhmeinui fa a nungtersal a si. Nuhmeinu cun Elijah-ih Pathian cu Pathian nung dik a si ti a theifiang. <i>Tuisun khalah Pathianin kan ÷ulsam mi in pe a si – rawl, innsang le rualpi. Asinan hi hnakhil ÷ul mi thupi zet kan nei. Kan sual in ngaidam dingah Pathian kan ÷ul – thil dik lo kan tuah ÷heu mi ah. Kan sualpawl ngaidamnak kan co thei nak dingah Pathian in a Fapa Jesu cu thi dingah a run thlah. A hnenah kan dil asile Pathian in in ngaidam ding a si, cule kumkhaw nunnak kan nei ding. Himi sullam reltlang uh.</i> Biblethu zir le tuah ding mipawl tuah thluh aw. Hmuh hai aw: FBI – Nuhmeinu in Elijah rawl a pe. (P & I)
ZOHSAL AW	Câng hril kha a tul asile zirh awla, simfiang aw – 1 Siangpahrang 17: 14. <i>Pathian in a thutiam a kilkhawi ti simfiang hai aw. Bible sungih a thutiam mipawl hmuahhmuah a kilkhawi thluh.</i>
NUNPI AW	Sangvut, siti le thing hngehreu hmangin thuanthu cawng uh, asilole thusuhnak tawi hrangah hmang uh: Nauhakawpl kha sang pe ngaingai aw. - Keret tiva a kângcat tikah Pathian in Elijah kha khui hmun ih feh dingin so a sim? - Cu tawka a thlen tikah zo so a va hmuh, cule nunaunu in ziang saw rak tuah rero? - Ziang so a dik mi? Nunaunu in ziang a simsal? - Nunaunui hnenih Pathian thutiam mi kha ziang a si? Cumi cu a thlun maw? - Nuhmeinui fapa kha ziang a cang? - Elijah in vei ziangzat thla a cam? - Zawi huham in nauhak pai nunnak a pesal?

C9 Thuanthu 3

Elijah in Pathian a rian – Himi thuanthu cu Pathian in Elijah hnenah nehnak a pe.

	Kan zir thei mi thu nhii: • Karmel Tlang ih zuamawknak hmun ah Pathian in Elijah cu nehnak a pe. • Bible Pathian cu Pathian diktak a si. Câng hril: 1 Siangpahrang 18: 39 Bible Thu hlawn: 1 Siangpahrang 18: 1-2, 16-46
THEIHTER AW	Zohthim dingah group pahni karlakah lehnak tuahin zuamawknak ti mi simfiang aw. Ni tinten duh na hril thei mi – na duh zet mi rawng, rawl, awnmawi thu reltlang uh. Thuanthu sungih mipi cun a thupi zet mi duhhrilnak an tuah.
ZIRH AW	• Kum thum sung rori Israel ram ah ruah a sur lo. <i>Thlaihnah, hrampi, hanghnah hangrah telin mipi le rannung an thi ding ti mi sullam simfiang aw. Ziangruangah hiti vekin Pathian in a mipawl a hrem hai ti mangter hai aw – Siangpahrang Ahab sualralnak le milem pathian an biak ruangah a si.</i> Pathian in Siangpahrang Ahab hnenih va kirsal dingah Pathian in Elijah a sim, cule Pathian in ruah a surter thlang ding a si tiah zamrangten va sim aw tiah a ti. Elijah cun a sim vekin a tuah. (1 Siangpahrang 18:1-2) • Siangpahrang Ahab cu Elijah tlunah a thin a heng lai. A parah ziang tuah a tum? (<i>thah ding</i>). Elijah cu buainak tuahtu tiah a ko. Câng 18-nak ih Elijah in a sim mi pehtlaihter aw. Zo saw Pathian diktak ti mi Israel mipi le Siangpahrang Ahab hmuh hai dingin Elijah in thutluknak a tuah. Tipi kap khalih lang thei mi, Karmel Tlang ah zuamawknak a tuah. Câng 19 le 20 ah ziang a cang ih, câng 21-nak ah Elijah in a ngair hai ti simfiang aw (1 Siangpahrang 18: 16-21) • Pathian dik le pathian dik lo, Baal karlak zuamawknak a si ding. <i>Biaktheng pahni ziang tiih rem ding ti le, raithawinak tuahnak ding hmun simfiang aw. Baal zumtu le Pathian dik a zumtu Elijah cun biaktheng parih raithawinak sa kangalh dingah mei sa ko thla dingin thla an cam ding a si. Meisa ko tla ih, raithawi mi a kangalhnak cu Pathian dik a si ti a langter.</i> (1 Siangpahrang 18: 22-26) • Baal a zumtupawl thla an cam hmaisa. Zing pum in thla an cam, asinan thlacamnak sân a si lo ih, meisa khal a tla lo. Ringpin an au sinsin. Asinan zohman in an sawn lo, zohman in an sang lo ih, an theihsak fawn lo. Ziangruangah si pei? Theihsak thei lo tu lungto pathianpawl hnenah thla an cam a si. (câng 25-29). Tu cu Elijah ih tuah cân a si thlang. Biaktheng parih thawiwknak sa ret a si tikah Elijah cun tidai pung tumpi (taikipung)¹² khat a tawihter. Ziangrungah si pei? Meisa in awlsamten a kangalh thei lo ding tinak a si. Elijah cu Israel Pathian hnenah thawmvang lo ten thla a cam. Câng 36 le 37 sung ta in a thlacamnak pehparter aw. Hmakhatteah, Pathian hnenin meisa a rung tla ih, thawiwknak sa, lungto a kangral thluh ih tidai khal a ro car thluh. Elijah-ih thlacamnak sangtu Pathian cu a nung mi a si ih, anih cun a huham ropi a langter a si. Ziang a cang ti mipi in an theih tikah lei ah an bawkkhup ih: “Bawipa cu Pathian a si,” tiah an tap. (câng 38-39). Elijah cun Baal profetpawl that thluh dingin thu a pe hai. (Câng 40) • Pathian le Elijah hrangah ziang tluk nehnak ropi so a si! Thuanthu a thawk lamah khan Elijah in Ahab kha ziang thu saw a tiam? Ruah a sur ding ti a si kha! Cui ni sunvu in Pathian in ruah a surter. Van a dum khupkhi, thli a hrang, cule ruahpi nasa tukin a sur. (1 Siangpahrang 18: 41-46) • Israel mipi cun khaih ni ah Pathian cu a dik mi Pathian a si ti an hmufiang. Câng 21-nak ih Elijah ih sim mi nauhakpawl mangtersal aw. Pathian nung biaknak ah an kirsal ih, pathian dik lo biak an bansan. <i>Tuisui ah mi tampi in pathian dik lo an be rero lai.</i> Bible Pathian cu Pathian dik umsün a si. Na nunnak ah Pathian nung dik hrang a pakhatnak hmun pe in, a Papa, Jesu cu a lo Rundamtu le Bawipa ah na cohlang thei kem? Biblethu zir le tuah ding mipawl tuah thluh aw. Hmuh hai aw: FBI – Elijah le prfet Baal. (I)
ZOHSAL AW	A tul asile câng hril kha zirh awla, simfiang aw – 1 Siangpahrang 18:39.
NUNPI AW	Thuanthu simsalin nauhakpawl cu zuk hmuh hai aw, asilole thusuhnak tawi tuah aw: • Siangpahrang Ahab hnenih Pathian thuchah Elijah in sim ding a neih mi kha ziang a si? • Siangpahrang Ahab in ziangruangah Elijah a ko si pei? • Elijah-ih sannak ziang a si? • Mipi hnenih duhhril ding a pek mi kha ziang a si? (câng 21) • Baal pathian a zumtupawl thla an cam tikah ziang a thlang? • Elijah thla a cam tikah ziang a thlang? Mipi in ziang an sim ih, ziang an tuah?

C9 Thuanthu 4

Elijah in Pathian a rinsan

Elijah in Pathian a rinsan lo – Himi thuanthu cu tihhrut pa in Pathian a hngilh ti mi thu a si.

	Kan zir thei mi thu hnih: - Elijah in a tih tikah amah kilhim dingah Pathian rinsan ding a hngilh. - Ziangtik khalah Pathian kan rinsan thei. Câng hril: Sam 62: 8 Bible Thu hlawn: 1 Siangpahrang 19: 1-16
THEIHTER AW	Ziang vek dinhmun ih na um ah na tih lole na riah a sia? Pathian in a lo umpi a si ti hngilh hlah. Karmel Tlang thuanthu zuk hmangin zohpisal aw (Thuanthu 3).
ZIRH AW	- Karmel Tlang ah ziang a cang ti le Elijah-ih simnak vekin Baal profetpawl thah an si thu a theih tikah Siangpahrang-ih nupi sual zet, siangpahrangnu, Jezebel cu a thin a heng tuk. <i>Thuhmaihruai ih Karmel Tlang thu na hmang lo asile a thuanthu simsal aw.</i> Elijah-ih Pathian cu Pathian dik a si. Thinheng zet cingin siangpahrangnu Jezebel cun tui hnu ni rei lo teah na rak tuah zo mi vekin, thah na si ding tiah Elijah cu thu a hei cah. Elijah in cui thu a theih tikah a tih tuk ih, a tlan! Amah lawngin riahsia zet in a tuar ih Pathian rinsan ding a hngilh. <i>Anmah lawng riahsia zetih an um lai le tlawng kainak ah hmuhsuam le capauh an tawn thu nauhakpawl sim hai aw.</i> Pathian cun ziang a cang ti mi le ziang in riahsia le tih dingin in tuah ti a thei thluh a si. (1 Siangpahrang 19: 3) - Elijah cu niling lak le ramcar ah a tlan, cule thing hnua ah a to. Pathian hnenah thi sawn dingin a dil, cule a itthat. <i>Vancungmi hmangih a tulsam mi pek a si thu nauhakpawl ruah hai aw.</i> Pathian cun amah a duhdawtu a ngaihsak a si. A ei ih a ithah hnua ni 40 le zan sawm li tluk hlatnak Horeb Tlang feh dingah thazang a nei a si (Sinai Tlang tiah kawh mi). <i>Cui hmun ih thil thleng mi an cin zat nauhakpawl sut hai aw – Pathian in Mosi hnenah Thupek 10 a pe.</i> Elijah cu zan khat sung lungkua ah a um. (1 Siangpahrang 19: 3-9) <i>Pathian in Elijah thu a suhnak le a sannak in thusuhnak pehtlaiawter aw.</i> Elijah cun Pathian hnenah ziang tlukin a khansa ih a riah a sia ti thu a sim thei. Pathian cun a ngaihsak ringring. Ziangtin na khansa ih, na riah a sia lole na tih ti mi Pathian na sim thei ve a si. <i>Câng hril sim hai aw - Sam 62: 8 (1 Siangpahrang 19: 9-10)</i> - Tlang parih va suak dingin Pathian in Elijah cu a fial. Pathian cun Elijah tawn a tum a si. Thli nasa zet a hrang, ling a hnin, meisa thawn, asinan hipawl hmangin Pathian in Elijah a be lo. Cuisin Elijah cun aw nemte a thei. Pathian in a bia. A ratnak lamzin in kirsal dingah Pathian in Elijah cu a sim. <i>Elijah hrangih tuah ding le Pathian in a hnenih a sim mi thawn pehtlaihter aw.</i> Elijah hnenih Pathian ih fial mi pakhat cu Elijah aiawhtu ding lole profet tian ding Elisha va hawl ding a si. Elijah cu a tar tlang ih, a thih a nai thlang. A nun sungah Pathian tha zet in a rian. Pathian in Elijah ih tulsam mi a pe. <i>Karmel Tlang, Zararet nuhmeinu le Keret Tiva ah ziangtin Pathian in a cawm ti mi thawn pehtlaihter aw. (1 Siangpahrang 19: 11-16)</i> <i>Pathian in Elijah ih nun lam tluanah ziang tuah ding ti mi a sim.</i> Tuisun khalah Bible kan siar mi hmangin Pathian in kan hnenah thu a sim. <i>Na riahsiain, tihnak na nei asile Pathian in a lo umpi ih, a lo bawm thei. Ziang tik lai khalah Pathian na rinsan thei.</i> Biblethu zir le tuah ding mipawl tuah thluh aw. Hmuh hai aw: FBI – Elijah cu Horeb ah a tlan. (P)
ZOHSAL AW	A tül asile Câng hril hi zirh awla, simfiang aw – Sam 62: 8. Pathian a thlengaw dah lo. Kan hrangah a um ringring a si.
NUNPI AW	Nauhakpawl in thuanthu umdān zuk in suai hai seh asilole thusuhnak tawi hmang aw: - Zo in Elijah that dingin a hro? - Ziang tin Elijah in a sawnkirsal? - Tuah dingah siang dingin Pathian a dil mi kha ziang a si? - Vancungmi in ziang rawl an pe? - Horeb Tlang thleng dingah Elijah in ziang tluk rei a feh? - Pathian ih a suh mi kha ziang a si, cule Elijah in ziangtin a sawnkirsal? - Elijah hnenih Pathian in a phuanlanglonak pathum kha ngan aw? - Ziang vekin Pathian in Elijah hnenah thu a sim? - Ziang hna tuah ding mi saw a pek mi kha? Na riah a sia le lole tih cān ah Pathian na sim thei maw?

C10 Thuanthu 1

Elisha – Thlun dingih kawhnak – Himi thuanthu cu Pathian in in umpi ti mi a si.

	Kan zir thei mi thu hnih: • Pathian in a hnaŋuan dingah Elisha hnenah huham a pe. • Pathian duhdawt ih, amah a riantu zaten a bawm hai ding a si. Câng hril: 2 Siangpahrang 2: 14 Bible Thu hlawn: 1 Siangpahrang 19: 19-21, 2 Siangpahrang 2: 1-15
THEIHTER AW	Mi in Pathian hna an ŋuan mi reltlang uh – missionary-pawl, Kawhhran hnaŋuantu, Miharsa bawmnak hnaŋuantu, Jesu thuhla simtu mi dang. <i>Tuah ding harsa an hmuh mi thilpawl nauhakpawl relpi hai aw – Tlawng hnaŋuan, paisa an dawn mi khawl, thinheng lo tei um, tvp.</i> A cân ah cun mi dang hnenin bawmnak kan ŋul theu. Thuanthu sungih mi pakhat cun Pathian pek mi hna ŋuan dingin Pathian ih bawmnak a ŋul.
ZIRH AW	• Pathian in a thuchah phuangtu dingah Elijah sawngtu dingah zo a hril? 1 Siangpahrang 19: 15-16 sungih Pathian in Elijah a zirh mi lakah zep aw. Pathian in a hnaŋuan lai mi a netter ding ti Elijah cun a thei, a hnaki nauhak in a hna a sawng ding a si. Elijah cun lei a let rero lai mi Elisha a va hmu (Bible san lai ah ziangti veki lei an let ti mi zuk hmuh hai aw), a hnipuan a hlit ih a kiangah a hei sep. A lo hnaŋuan bansanin Pathian rian dingah Pathian in a hril ti hmuhsaknak a si ti Elisha cun a theithiam. A sungkua cu mangŋa uh maw a ti hnuah Elijah thawn an fehthlang. Elisha cun hna thar ŋuan a thawk. (1 Siangpahrang 19: 19-21) • Pathian hna ŋua in hmun kipah Elijah le Elisha cu an fehtlang. <i>(a remcang asile, 2 Siangpahrang 2: 1-6 thawn a thu pehawter aw).</i> Cui hnu rei tuk lo ah, Pathian in Elijah van ih a hruai cân a thleng thlang. Ni khat cu an pahnih in Jordan Tiva kapah cun an feh. Câng 8 nak ah ziang a cang ti simfiang aw. Hi thil hi Elijah cun a tuah thei a si, zianghtile Pathian a hnenah a um ih, cahnak a pe. Pathian in i lak hlanah ziang lo tuahsak ningla na duh tiah Elijah in Elisha cu a sut. Pathian hna ŋuan ding cun Pathian pek mi huham, Elijah ih co mi vek a ŋul ti Elisha in a thei. 2 Siangpahrang 2: 7-10 sungin an biakawknak pehawter aw. • An biakawk rero laiah hmakhatteah mangbangza thil a thleng ta riai. An pahnih karlakah rang le rangleng a rung lang thutthi. Mei rangleng thawn Elijah cu van ah laksohin a um. A kawr tla mi siarlo Elisha cun Elijah cu a hmu thei nawn lo. Elisha in ziangtin a khansa pei? <i>(keimah lawng, a va mak ve tiin riahsiain a um)</i> (2 Siangpahrang 2: 11-12) • Elisha in kawr cu a la ih Jordan tiva ah cun a kirsal. Pathian in a umpi ti a theih cu a mang a bang tuk. <i>Câng hril thawn pehparawter aw.</i> Elijah-ih Pathian cun a umpi ih a hnaŋuannak hrangih a ŋul mi huham khal a pe ding a si ti Elisha cun a thei. Elijah a bawm vek thothoin a bawm ve ding a si. (2 Siangpahrang 2: 13-15) • <i>A hna ŋuan dingah Pathian in tuisun khalah a mipawl a hmang. Hmun dangih feh dingah simaw, ram dangih feh ding khal a si thei. Amah duhdawt ih a hna ŋuan dingah a duh hai thluh a si. Ziang vek zawngin Pathian kan rian ve thei? Mi dang hnenah thatnak lăngter, Sunday School kai dingih rualpi sawm, Jesu-ih thuhla mi dang va simnak in kan tel thei ve a si. Pathian lungawi zawngih nunnak in kan rian thei. Elijah le Elisah a bawm veki, na tuah mi ziang vek khalah Pathian in a lo bawm ding a si.</i> Biblethu zir le tuah ding mipawl tuah thluh aw. Hmuh hai aw: FBI – Elijah in Elisha hriak a thih. Cuisin Elijah le Meisa rangleng (I)
ZOHSAL AW	A ŋul asile câng hril hi zirh awla, simfiang aw – 2 Siangpahrang 2: 14. Elisha ih sim mi a hleicein a thuhrampi in simfiang aw.
NUNPI AW	Rangleng zuk suai hai sehla, meisa alh langterin nauhakpawl in ceimawi hai aw, asilole thusuhnak in hmanpi aw: • Pathian hna ŋuan dingin amah sawngtu dingah Elijah zo a hawl? • Elijah in a hmuh tikah Elisha ziang a tuah rero lai? • Elisha in ziang a tuah? • An tankai thei nak dingah zo in Jordan tiva a catter? • Elisha in ziang a dil? • Elijah van ih laksoh a si tikah Elijah le Elisha karlakah ziang thil a thleng? • Elisha in ziang thil saw a sar ih, a hman? • Pathian in tu-ah Elisha a umpi maw? Ziangtin Elisha in a thei? • Pathian hna na ŋuannak ah zo in a lo bawm ding?

C10 Thuanthu 2

Elisha – Rualpi hmemnak – Himi cu thihnak tlunih Pathian-ih huham ti mi thu a si.

	Kan zir thei mi thu hnih: - Elisha-ih thlacamnak in nuhmeinui fapa a nungsal. - Kan nunnak hi harsatnak thu ah Pathian hnenah thla kan cam thei. Câng hril: 2 Siang 4: 33 Bible Thu hlawn: 2 Siang 4: 8-37
THEIHTER AW	Rualpi na bawm dah zo maw? Reltlang uh. Himi thuanthu ah an rualpi an bawm ti mi a um. Na rualpi hrang ihnak pindan sungah ziang na retsak ding? Ziang a tul ding? Himi thuanthu sungah nunaunu in a rualpi hrang ihnak hmun a tuhsak.
ZIRH AW	- Pathian hna tñanin hmun tinkim ah Elisha cu khual a tlawng. <i>Elisha in Elijah hnen ihsin ziangti vekin hnañuan a congah ih, a tuah mi vek tuah dingah a hnenah Pathian -ih huham pek a si pei?</i> Pasal nei, nunaunu milian pakhat umnak Shunem khua a tlawng theu. An inn ah Elisha cêngin rawl an ei cu an lungawi tuk, cui hnu rei lo teah an inn ih a riah thei nak dingah a hrang umnak pindan tuhsak dingin an relcat. <i>Ihnak pindan sungih an retsak mi simfiang aw – ihkhun, tokham, cabuai le meinn.</i> An nupa in an rualpi hrangah an tha tuk. Kan rualpipawl hnenah hi vekin kan tuah ve ding a si. (2 Siangpahrang 4: 8-10) - A parih an thatnak ruangah Elisha khal in thil tuahkirsal duh mi a nei ve. Nunaunu cu a riahsia tuk ti a thei, ziangatile fate an nei thei lo. An hnenah naute nan nei ding a si tiah Elisha cun a sim hai! Cuihnu rei lo ah fapate an nei. Ziangtin an khansa ding tiah na ruat? <i>An lungawi nasa.</i> Riahsiatza ni a thleng, nauhak pa cu a tum vivo ih, ló ah a pai hnañuan mi hman a bawm thei zo, asinan besia zetin a na. Inn ah an cawi lohli nan a thi man. Bawm thei tu dingih a nu in a ruah mi zo a si ding tiah na ruat? <i>Elisha.</i> Nunaunu cun Elisha cu Pathian mi a si, in bawm thei ding a si ti a thei. Elisha-ih ihnak hmun ah cun nauhak pa cu a ret, cule a tim a tuah ih, kalauk thawn Elisah hnenah cun a va feh. Harsatnak na tawn tikah lo bawm dingah zawi hnenah na feh? <i>(nu le pa, zirhtu, u l enau)</i> (2 Siangpahrang 4: 11-25) <i>An kum ihzirin a thuanthu thil cang mi an thei a awlsam ding.</i> Elisha cu nunaunu thawn an kirsal, cule nauhak pa a ihternak ihkhun ah cun an feh. Sangkâ a khar hnuah Pathian hnenah thla a cam. Anih cun nauhak paih taksa sungah a thaw a thawt, cule nauhak pa cu a nungsal. Hmakhatteah a hahthiau ih, a mit a hun meng thei sal. Pathian in Elisha-ih thlacamnak a sang! Nauhak pa cu a nu hnenah cun a hruai. A fapa a nungsal hmuh cu ziang tlukin a lungawi pei! Elisha cun amah bawm dingah Pathian a rinsan, cule a thlacamnak san a si. Khai ni ah nunaunu, a pasal le nauha kpa in Pathian-ih huham a maksakzia an zir. (2 Siangpahrang 4: 26-37) <i>Hi thil mangbangza hi a thleng, ziangatile Elisha icun Pathian hnenah thla a cam. Kan nunnak ih harsatnak kan tawn tikah a hnenih thlacam le amah rinsan ding Pathian in a duh. Harsatnak an tawn mipawl reltlang uh – rualpi in an fehsan, duhningza uite a thi, tlawng ah na parah an hrohrang zet. Pathian cun kan thlacamnak in ngaisak ding ih, anih cun in bawm thei. Pathian cun amah duhdawttu a ngaisak. Harsatnak an tawn tikah a umpi hai ding a si.</i> Biblethu zir le tuah ding mipawl tuah thluh aw. Hmuh hai aw: FBI – Elisha: A thi mi nauhak pa a nungsal. (I)
ZOHSAL AW	A tul asile Câng hril zirh awla, simfiang aw – 2 Siangpahrang 4: 33
NUNPI AW	Elisha ihnak pindan hmanrua thawn thuanthu cawngin cangvaihna tuah uh, asilole thusuhnaw tawi hmangaw: - Milian nunaunu le a pasal in ziangti vekin Elisha an tuamhlawn? - Nunaunu hnenah Pathian in ziang thu a tiam? A thutiam vekin a tuah maw? - A nat besiat laiah nauhak pa kha khuiah a um? - A nu in a ruang kha khui hmun ah a ret? - Zo hawl dingin nunaunu a feh? - Inn an ra thlen kirsal tikah Elisha in ziang a tuah? - A thlacamnak Pathian in ziangtin a sang? Kan mangbang le riahsiat tikah ziang kan tuah ding?

C10 Thuanthu 3

Elisha – Phar damternak – Himi cu Pathian-ih duhdawtnak cu zo vek hrang khalah ti mi thu a si.

	Kan zir thei mi thu hnih: • Pathian lawngih damter thei mi nat Naman in a nei. • Sual thubuai ngaidamnak hrang Pathian in lamzin in tuhsak. Câng hril: 2 Siang 5: 15 Bible Thu hlawm: 2 Siang 5: 1-19
THEIHTER AW	Na natnak damter dingah zo saw na pan ding? <i>Reltlang uh.</i> Thuanthu sungih mi pakhat cu a dam lo, cule zohman in an damter thei lo. <i>Zirhawknak, ngan ih um mi le ɣawngfang kip reltlang uh.</i> Thuanthu sungih mi pakhat cun tuah a duh lo mi a si khalhe Elisha ih sim vekin a tuah ding a si.
ZIRH AW	• Aiangpahrang Aram-ih ralbawi Naaman cu mi thupi tuk mi a si. Miralṯha zet a si, doawknak ah vei tampi nehnak a co, curuangah siangpahrang cu a parah a lung a awi. Inn tumpi ah a nupi le hnenumpawl thawn an cêng. Asinan anih cu Pathian-ih mipawl, Israel-ih ral a si. Ni khat cu ɣihnungza thil a thleng. A taksa a zoh cu a vun ah thil dik lo a um. Phar nat a rak si – cui san sibawipawl in an damter thei lo mi nat a si. A rei hlanah mi dang in a phar nat an thei lohli fawn ding. A hnaṯuan lai mi cawlḥsan a ṯul ding ih, a sungkua thawn an ṯhenawk khal a ṯul fawn ding. (2 Siangpahrang 5: 1) • A nupi bawmtu sál nu pakhat an inn ah a um ve. Anih cu Israel ram ihsin sál ih hruai mi a si, an siahlawh dingah an lei mi a si. Naaman-ih thuhla tihnungza le amah bawm thei tu a thei. Zo saw? (Câng 3 thawn pehparawter aw) Naaman cun Elisha va tawn ding cu a duh. Phar nat cu Naaman in a tidam thei lo mi a si. <i>Kan tifel thei lo mi buainak kan nei ve – cumi cu thil dik lo in tuahtertu sual a si.</i> Naaman in Elisha va tawn cu Siangpahrang Aram cun a siang ih, sui, ngun le hnipuan pawl laksawng ken dingah a pe. (2 Siangpahrang 5: 2-7) • Naaman a va thlen tikah, Jordan tiva sungah vei sarih hnimaw dingih va sim dingah Elisha cun thu a cah, cule a phar nat a dam ding a si. Naaman cu a thinai a thawk nasa – cuti a umnak sǎn cu amah ra tawng dingin a ra suak lo ih, Jordan leibek hnûn sungih hnimawk ding a duh lo ruangah a si. Câng 13 le 14 thawn pehtlaiawter aw- <i>Naaman ti sungih a hnimawk zik tikah nauhakpawl cun vei sarih tiang rak siar hai seh.</i> Naaman a dam ta riai, ziang tluk mangbangza so a si! A vun cu a kel vekin a dam thluh. Naaman in Elisha hneih a sim mi thawn pehparawter aw. Cuisin, Naaman cun Israel Pathian cu Pathian dik a si ti a thei thlang. Naaman cun Elisha cu sui, ngun le hnipuan pawl laksawng ah a pe, asinan cupawl cu pakhat hman a la lo. A damtertu cu Elisha si loin, Pathian sawn a si. (2 Siangpahrang 5: 8-19) • <i>A phar nat damnak dingah Naaman cun Elisha ih sim mi cu a thlun ding a si. A damnak dingah lamzin dang a um hrímhrim lo. Kan sual thubuai tifel dingah Pathian cun lamzin in tuhsak a si. Sual cun Pathian thawn in ṯhenhrang a si. Pathian in Bible sungih in sim mi cu a Fapa Jesu Khrih Khraws pa ih a thihnak ruangah kan sualpawl ngaidam dingah Pathian kan dik thei thlang. Himi lo lamzin dang sualpawl ngaidamnak a um nawn lo. Cutin Pathian sungkua kan si thei ding a si. Na sualpawl ngaidam dingah Pathian hnenah na dil zo maw? Ngaidam na duh a si ahcun tu roriah tuah aw.</i> Biblethu zir le tuah ding mipawl tuah thluh aw. Hmuh hai aw: FBI – Naaman, ralbawi a phar. (I)
ZOHSAL AW	A tul asile Câng hril hi zirh awla, simfiang aw – 2 Siangpahrang 5: 15. Naaman ih sim mi kha sim uar aw – Israel Pathian cu Pathian dik a si.
NUNPI AW	Cahnah tarnak hmang aw, asilole a khat lamah lungawi mithmai langter mi le a khat lamah riahsia mithmai langter mi cahnah hmang aw. Thuanthu simsal aw, asilole thusuhnak in cǎn hmang uh: • Naaman in ziang hna a ṯuan? • Ziang nat a nei? A natnak bawm thei tu zo tal an um maw? • Pathian-ih palai amah bawm thei tu, Elisha a um ti zo in a thei? • Elisha va tawng dingah feh siangtu kha zo a si? Naaman in ziang laksawngpawl a keng? • Naaman cu Jordan tiva sungah vei ziat a hnimawk a ṯul? • Cumi tuah cu a paih maw? Elisha ih sim vekih tuah dingah zo in a sim? • Vei sarih a hnimawk hnu ti sungin a hung suah hnuah Naaman cu ziangtin a um? • Elisha hnenah ziang a sim? • Elisha in laksawng a pek mi a cohlang maw? Ziangruangah? • Pathian lawngih tifel thei mi buainak kan neih mi kha ziang a si?

C10 Thuanthu 4

Elisha – Bumhmang cu hrem a si – Himi thuanthu cu thutak sim ti mi thu a si.

	Kan zir thei mi thu hnih: - Thuphan a sim ih, a duham ruangah Pathian in Gehazi cu a hrem. - Khraws parih a thihnak hmangin Jesu in kan sual ruangih hremnak a phur. Câng hril: <i>Mipum Siarnak 32: 23</i> Bible Thu hlawm: <i>2 Siangpahrang 5: 19-27</i>
THEIHTER AW	<i>Duham ti mi sullam reltlang uh.</i> Asilole thuphan sim hi a dik maw? Hi thilpawl kan tuah tikah zohman in in thei zik lo tiah ruahnak kan nei, asilole thuanthu sungih mi pakhat vekin in hawlsuak a si ding. Zuk hmuh aw, asilole Naaman thuanthu in thusuhnak tuahpi aw. Cumi cu tui kan zir ding mi thil cang mi a si.
ZIRH AW	<i>(Thuhmaihruai na hmang lo asile Naaman thu a karlakah zep aw)</i> Ralbawi Naaman le a siahlawhpawl cu inn lamah an tlung. A phar nat damter a si ruangah Naaman cu a lungawi tuk, cule Elisha-ih Pathian cu Pathian diktak a si ti a thei. Asinan lungawi lo mi pakhat a um. Zo a si pei? A pu in laksawng an pek mi sui, ngun le thil man khungpawl a cohlan lo ruangah Elisah-ih siahlawh Gehazi cu a lungawi lo. Elisha in ziangruangah laksawng pek mi a cohlang lo ti nan mang lai maw? <i>Naaman damtertu cu Elisha si loin, Pathian a si.</i> Elisha in Naaman hnenin laksawng zianghman a lak lo cu thil tenau men a si lo tiah a ruat, cule amai hrangih la dingin khawkhannak a nei. Gehazi cu miduham a si. A cân ah cun kan duham theu ve ngai, cule mi dang ngah mi neih ve kan duh. Pathian cun hi vekin kan um ding a s ilo tiah in sim a si. <i>Suahlannak 20: 17 khihmu aw. (2 Siangpahrang 5: 19-20)</i> - Naaman cu lamhla zet a feh zo nân Gehazi cun a hei dawi. Kehezi in in rak dawi ti Naaman in a hmuh tikah a rang parin a tum ih, thil ziangkim a tha maw tiah Kehezi cu a sut. Kehezi-ih sawnki mi <i>câng 22 thawn pehparawter aw.</i> Amai hrangih sui, ngun le thilri pawl a co thei nak dingah a hman lo mi thu a phuah cawp. Thuphan nan sim lo ding tiah Pathian in a ti. <i>Suahlannak 20: 16 khihmu aw.</i> Gehazi cun Naaman a bum ih, Elisha pek a tum mi cu amah in a co. A dil mi hnakh tam Naaman cun a pe! Kehezi ih thilri thiar bawm dingah a siahlawh pahni a thlah. Buainak sungin kan luat thei nak dingah thuphan kan per theu, asilole kan ta a si lo mi thuhla ah khal kan per thei. <i>(2 Siangpahrang 5: 21-23)</i> - Siahlawhpawl cun laksawngpawl cu Gehazi an pek, cule anih in amai inn sungah a thup. A thil tuah mi cu zohman in an thei lo ding tiah a ruat. A thil tuah mi a dik tiah na ruat maw? A thil tuah mi zo in a thei? <i>Pathian.</i> Thil dik lo kan tuah mi hi Pathian in a thei thluh a si. Pathian cun ziangkim a thei thluh. Thuphan kan per, asilole mi kan bum tikah a lungawi lo. <i>(2 Siangpahrang 5: 24)</i> - Gehazi cu Elisha hnenah a va feh ih, a hmaiah cun a va ding. <i>Câng 25-26 sungin an biakawknak thu pehparawter aw.</i> A siahlawh ih thil tuah mi cu Pathian in Elisha hnenah a sim thluh. A thil tuah mi dik lo ruangah Pathian in Kehezi cu hremnak a pe. Pathian cun a thil tuah sual mi sungin luat ding a duh lo. A sualnawpawl cu Pathian in a hmu thluh a si. Hmakhatteah Kehezi cu phar nat in a tuam thluh. <i>(2 Siangpahrang 5: 25-27)</i> <i>Kan zaten thil sual kan tuah thluh tiah Bible cun in a sim. Kan zaten kan sual thluh. Pathian cun kan tuah mi zaten a thei thluh. Kan sualpawl ruangah Pathian hnenah ngaidam kan dil ding a si, ziangatile a Fapa Jesu Khrih Khraws parih a thihnak hmangin kan sual ruangih cawhkuan a phur thluh. Na sual ngaidam dingah Pathian na dil zo maw?</i> Biblethu zir le tuah ding mipawl tuah thluh aw. Hmuh hai aw: FBI – Naaman, ralbawi a phar. (I)
ZOHSAL AW	A tul asile Câng hril zirh awla, simfiang aw – <i>Mipum 32: 23.</i> Mi hrekkhat cun an sualnaw zo hmanin an thei lo tiah an ruat. Asinan Pathian in a thei thluh, a zaten a hawlmu thluh.
NUNPI AW	Thuanthu zohkirsalnaw in a hnuai lamih thusuhnawpawl sang dingah nauhawpawl sut hai aw: - Ziangruangah Gehazi in a bawipa Elisha cu zianahg a siar lo si pei? - Gehazi in ziang a tuah? Naaman hnenah ziang thu a sim? - Gehazi thu ziangtin na simfiang ding? - Naaman hnenih laksawng a inn ih tlun dingah Gehazi kha zo in a bawm? - Laksawng a lak mi thawn Gehazi in ziang a tuah? - Ka luatngah zo tiah a ruataw maw? Zo in a thei? - Gehazi parah ziang a cang? - Thil sual kan tuah mi, kan sualnaw thu ah ziang kan tuah thei mi um?

C11 Thuanthu 1

Lăwng sungah Jonah – Himi thuanthu cu Pathian in in thei thluh ti mi a si.

	Kan zir thei mi thu hnih: • Pathian in tuah dingih in fial mi kan tuah ringring ding a si. • Pathian hnen ihsin kan thupaw thei dah lo ding. Câng hril: <i>Jonah 1: 3</i> Bible Thu hlawn: <i>Jonah 1: 1-9</i>
THEIHTER AW	THEIHTER AW Ziangti vekin tuisun ah pakhat le pakhat kan pehtlaihaw ti mi nauhakpawl hnenah sim hai aw thimnakah... email, phone biakaw, cakuat ti vekin. Tuisun ah lamzin tampin pehtlaihawknak kan nei thei. Tuisun ah Pathian in ziangtin in pehtlai ti mi an thei maw ti nauhakpawl sut hai aw. Bible cu Pathian Kamsuakthu a si ih, tuisun ah Pathian ih in biakdān cu a si. Thukham Hlun san laiah cun Pathian in a Kamsuakthu cu milai, profetpawl hmangin a run thlah ti mi nauhakpawl sim hai aw. Cupawl cu Pathian-ih thuchah hmun dangdangih sim sâwng dingah Pathian in a thlah hai mi an si.
ZIRH AW	• Jonah hnenah Pathian in thuchah a sim, amah cu profet a si, Pathian in an nuncan ziaza tha lo mi a hmu zo, curuangah Nineveh khawpi ah va fehin Pathian in a hrem hai ding a si ti va sim dingah Pathian in a duh. Jonah hrangah cun Nineveh khawpi cu ram dang a si, feh a duhlonak hmun a si, an hnenih thu va sim a duhlonak cu an sualnak ihsin Pathian hnenah an kirsal pang ding ti a phan ruangah a si, curuangah Pathian hnen ihsin a tlan. Jonah cu Joppa khaw lamah a vung suk ih, Pathian hnen ihsin tlan dingah Tarshish lam feh ding lawng a to (Nineveh khaw fehnak ding thaw cun a hla-aw nasa). (<i>Jonah 1: 1-3</i>) • Asian Pathian cun thli le tisuar a thlah, lăwng cu nasa zetin a nuai ciamco, lăwng hnaṭuanpawl cun an lăwng kuai thluh ding le anmah khal thi thluh dingah an ruataw zo. Lăwng hnaṭuanpawl an zaten an pathian hnenah thla an cam, an lăwng zâng deuh seh tiah an thil phurh mipawl an hlăwn, asinan tisuar le thli cu amah kel a si. Jonah cun thli le tisuar cu a thei lo. Anih cu lăwng hnuai ta pindan ah thi thlepin a itthat ih ziang a cang ti a ngaihsak ve lo. Lăwng hnaṭuan hotu cun Jonah cu a vung ṭhang, cule an lăwng a himnak hrang bawmtu ding a Pathian ko ve dingin a sim. (<i>Jonah 1: 4-6</i>) • Ziangruangah tisuar le thli a tho ti thei dingah lăwng hnaṭuanpawl cun camcawhfunz zuk dingah thutluknak an nei, hi lai cân ah cun zawi mawh a si ti thei dingah an tuah, cule Jonah parah a tla (hi lai cân a hcun thil hlumte vek an sep theu hi vekin an tuah thei). Zo so na si ih, khui tawkin na ra tiah Jonah cu an sut. Jonah cun khawmual le tipithuanthum le thil ziangkim tuahtu, Van Pathian riantu, Hebrumi ka si, tiah a sim hai. Tisuar le thli hrang cu amah ruangah a si ti a sim hai, ziangah tile anih cu Pathian hnenin a tlan. (<i>Jonah 1: 10</i>) • <i>Bible kan siar tikah Bible ih in sim mi thlun ding le tuahcih ding kan si, Jonah vekih thulung lo mi si loin.</i> Biblethu zir le tuah ding mipawl tuah thluh aw. Hmuh hai aw: FBI – Jonah le nga tumpi. (I) [Moody Publishers]
ZOHSAL AW	A ṭul asile câng hril hi zirh awla, simfiang aw – <i>Jonah 1: 3</i>
NUNPI AW	Thuanthu zohkirsalnak ah hmagnin a hnuai lamih thusuhnakpawl hi nauhakpawl sut hai aw: • Jonah in ziang hnaṭuan mi a nei? • Pathian in Jonah kha khui hmun feh ding a fial? • Ziangruangah cu tawh hmun ah Jonah feh a duh lo si pei? • Jonah in ziang tuah a tum? • Lăwng in khual an tlawn tikah ziang a cang? • Thli le tisuar in a nuai ciamco laiah Jonah ziang a rak tuah rero? • Jonah-ih mawh a si ti lăwng hnaṭuanpawl in ziangtin an hmuak thei? • An hnenah zo bia a si ti a sim hai?

C11 Thuanthu 2

Jonah tipi sungah – Himi thuanthu cu Pathian in ziangtin a rundam ti mi a si.

	Kan zir thei mi thu hnih: • Khui tawh hmun ih kan um khalle Pathian hnenah thla kan cam thei, cule anih in kan thlacamnak in theihsak ding a si. • Pathian duh lo zawng kan tuah asile anih cun kan sual in ngaidam ding a si. Cang hril: <i>Jonah 2: 9</i> Bible Thu hlawn: <i>Jonah 1: 10-17 & 2: 1-10</i>
THEIHTER AW	Tipi lamih feh lawng tumpi asilole lawng fate an to dah zo maw ti nauhakpawl sut hai aw. Lawng pa ih to cu ziangtin an khansa ti reltlang uh, asinan lawng cu ti thuknak hmun laili ah tisuar le thli in a nuai hai tikah ziangtin an khansa ti sut hai aw. An thin a phang zet ding? Himi thuanthu sungah Jonah in hi vekin a khansa ve, an umdan le Pathian hnenah ihsin tlan a sinak cun mi dang tihphannak a thlen hai.
ZIRH AW	• Lawng hnatuanpawl cun Jonah cu zo a si ti le a hnatuan mi an hmuhngah tikah an tih nasa. Hnatuantupawl cun tisuar le thli hrang a reh ih kan siat hlor a lonak dingah ziang kan tuah ding tiah Jonah cu an sut. Jonah cun keimai mawh a si, Pathian hmai in tlan ka tum tiah an hnenah a sim, cule tipi sungah hlawn ding an si. Sikhalsehla, annih cun Jonah thah ding cu an duh lo ruangah tikap lamah an lawng cu thei tawp suahin an zuam rero. Asinan tisuar le thli cu a nasadeuh deuh. Cuisin lawng hnatuanpawl cu Pathian hnenah an au ih, Jonah ruangih hremnak tuar lo ding an ngen. Jonah cu tipi sungah an hlawnthla. Hmakhatteah thli le tisuar cu an dai thluh ih tipi cu daiten a um. Cui milapawl cun Pathian cu zo a si ti an thei ih, a hnenah thawinak pein an thangthat. (<i>Jonah 1: 10-15</i>) • Tipi sungih Jonah a pil veten Jonah dawh dingah Pathian in ngapi a thlah. Ngapi pum sungah Jonah cu ni thum le zan thum sung a um. (<i>Jonah 1: 17</i>) • Ngapi pum sung a thlen tikah Jonah cu Pathian hnenah thla a cam, tipi sung tawnetnak hmun ah umin ka thi thlang ding ti a thei. Ka thi thlang ding ti thei ih a thlacamnak cu Pathian in a theihsak ih, a nunnak a runhim. Pathian dik a si ti le a thlacamnak theihsaktu a si ruangah a hnenah lungawi thu a sim, cule milim hmaih kunpawl cu an pathian in a run hai lo ding a si ti a thei. Pathian lawng runsuak thei tu a si ruangah Jonah cun Pathian a thangthat. (<i>Jonah 2: 1-9</i>) • Ngapi pum sungah ni thum le zan thum a um hnuah khawmual ih Jonah luaksuaksal dingah Pathian in ngapi cu thu a pe. (<i>Jonah 2: 10</i>) • Jonah ih thulunlonak ruangah Pathian in a hrem, asinan a sualnak ruangih thinlung kekkuai in a kirsal ruangah Pathianin runsuahnak lamzin a tuahsak. Kan sualpawl ruangah Pathian hremnak co ding kan tlak, asinan thinlung kekkuai in a hnen kan kirsal asile in ngaidam ding a si, ziangah tile Bawipa Jesu cu kan hrangah a thi a si. Biblethu zir le tuah ding mipawl tuah thluh aw. Hmuh hai aw: FBI – Jonah le nga tumpi. (I)
ZOHSAL AW	Cang hril hi a tul asile zirh awla, simfiang aw – <i>Jonah 2: 9</i>.
NUNPI AW	Thuanthu zohkirsalnak hrang a hnuai lamih thusuhnakpawl hi nauhakpawl sut hai aw: • Lawng sungin hlawnthla dingah Jonah in a sim hai tikah lawng hnatuantupawl in ziang an tuah hmaisabik? • Lawng sungin ziangruangah Joanah hlawnthlak an duh lo? • Tipi sungih an hlawnthlak tikah ziang a thleng? • Lawng hnatuanpawl ziang an tuah? • Jonah runsuak dingah Pathian in ziang a thlah? • Ngapi pum sungah ziang tluk rei Jonah a um? • Ngapi pum sung a um laiah Jonah in ziang a tuah?

C11 Thuanthu 3

Nineveh khawpi ah Jonah in thu a sim – Himi thuanthu cu Pathian hnenah kirsal ti mi a si.

	Kan zir thei mi thu hnih: • Thil sual kan tuah mi ruangah kan siraw asile ziang tluk tam a si khalle Pathian in in ngaidam ding a si. • Pathian cun mimenmen khal a hmang thei. Câng hril: <i>Jonah 3: 5</i> Bible Thu hlawn: <i>Jonah 3: 1-10</i>
THEIHTER AW	Cân thu ah nauhakpawl sirawk ding an neih mi relpi hai aw. Ziang vekin nawr cawp an ðul, asinan a taktakah sullam nei a si. An ti sual mi tum zet an theih mi cân thu relpi hai aw, cule a va paw ve an ti ding mi, a paw tukaw an ti hnuah ziang vekin an khansa pei. Pathian ziang tlukin an tlunah a riah a sia ti Jonah in a sim hai tikah Nineveh khawmipawl in ziangtin an khansa ti tuisun ah kan zohtlang ding a si.
ZIRH AW	• Ngapi pum sungin Jonah a suah veten Pathian in a hnenah Nineveh khua ah va feh awla Pathian-ih thuchah va sim aw tiah a fial. Tui ðum cu hmakhateah Jonah cu khawpi sungah cun a va feh. Nineveh cu khawpi tum zet a si ruangah ni 3 sung tluk feh a si. Jonah cu khawpi sungah cun a feh thawk ih, mipi hnenah cun an nundân sual ruangah Pathian in a siatsuah hai ding a si ti a va sim hai. (<i>Jonah 3: 1-4</i>) • Mangbangzain mipi cun Jonah-ih thusim mi cu an zum, cule an rak tuah zo mi ruangah an thinlung kekkuaiin an um. Pathian hnenah thinlung takih an riahsiatnak an langter. Khawpi sung um mi zaten rawl ul thluh dingin thu an than (himi sullam cu rawl an ei lo ih, ti khal an in lo), cule an lu parah leivut an phulhaw (himi cun Pathian hmaiah ziang tlukin sualmawhnak an tuah ih an riah a sia ti an hmuahwnak a si) (<i>Jonah 3: 5</i>) • Cui thuhla cu siangpahrang hnenah a thleng, a laltokham in a tho ih, a siangpahrang hnipuan a hlit ih, leivut a phulhaw ve. Cule thupek a suah ih, khawpi sungih um mi zokhal, rannung an si khalle zohman in ti le rawl an ei ding a si lo, leivut an phulhaw thluh ding a si tiah a ti. Cule mi kip in an nundân ða lo ihsin an kirsal ding ih, Pathian an ko ding a si tiah a ti. Pathian cun mipi tuah mi cu a hmu ding ih, an thlacamnak a theihsak hai ding, cule siatsuah a tum mi khal tuahsal loin a lamletsal men ding tiah a ti. (<i>Jonah 3: 6-9</i>) • Pathian cun mipi cu an thil tuah mi ihsin an lamlet ih, an lungthleng dingin an timlamaw ti a hmuh tikah, an parih thlengter dingih a phuan mi siatnak ihsin cu Pathian a lamletsal ih, an sualnak a ngaidam hai a si. Mipi cu siathloralnak ihsin runsuah ðul an si Pathian in a hmu hai a si. • <i>Tuisun khalah Pathian cu zahngainak a nei ih, mi a ngaidam lai tho tho a si ti simfiang hai aw. Nineveh khawmipawl vekin Pathian hnenah kirsalin, kan sualnak ruangah kan lung kan thleng ding a si, cule runsuah kan sinak dingah a thu kan zum ding a si.</i> Biblethu zir le tuah ding mipawl tuah thluh aw. Hmuh hai aw: FBI – Jonah le ngapi tum zet. (I)
ZOHSAL AW	A ðul asile Câng hril hi zirh awla, simfiang aw – <i>Jonah 3: 5</i>
NUNPI AW	Thuanthu zohkirsalnak ah a hnuai lamih thusuhnakpawl hi nauhak sut hai aw: • Jonah in tuah a tum mi ziangtin Pathian in a thei thei si pei? • Neniveh khawpi sung a feh kha ziang thluk a rei? • A thuchah sim mi theitu mipi kha ziang tin an um? • Ziangpahrang in ziang a tuah? • Mipi tuah ding siangpahrang in ziang thupek a suah? • Ziang tuah dingin Pathian in a ðhencat?

C11 Thuanthu 4

Pathian hnenah Jonah thla a cam – Himi thuanthu cu Pathian-ih zangfah lainatnak le duhdawtnak.

	Kan zir thei mi thu hnih: • Jonah thuanthu cun Jesu ih tuah mi a hmuhsak. • Pathian cun mi zo vek khal a ngaihsak. Câng hril: <i>Mathai 12: 41</i> Bible Thu hlawm: <i>Jonah 4: 1-11</i>
THEIHTER AW	Mi pakhat in ziang tikah thil sual a tuah ih, ziangtin cawhkuan tawng sehla kan duh ti mi nauhakpawl relpi hai aw. Ziangmaw cân ah cun nu le pa, asilole zirhtu hnenah thil sual tuah kan hmuh tikah kan sim theu, cule hremnak fumfe tak an tawn lo tikah kan buai. Tuisun thuanthu sungah Jonah hin hivek deuhin an khansa a si. An tuar ding awm vekih hremnak an tuar lo ruangah Jonah cu a thin a heng riangri a si kha.
ZIRH AW	• Pathian in Nineveh khawpi a siatsuah lo ding ti Jonah in a theih ruangah a lungawi lo nasa, cule hi ruangah a si hmun dang hlap i ka tlan tiah a simbet hrih. Pathian cun zangfahnak a nei, thinheng dingah a thin a fual, duhdawtnak in a khat ti a thei. Thi sawn hai sehla tiah a duh mipawl Pathian in hremnak a pek lo ruangah a riahsiat thu Pathian hnenah a sim! (<i>Jonah 4: 1-3</i>) • Jonah cu khawpi lengah a suak ih, Pathian in ziang tal tuah mi a nei pei maw ti thlirin a to. Khaw hlum tuarin zawnzai zet in a to cuahco. Pathian cu Jonah parah a thin a nuam lo, curuangah Jehovah Pathian in kung pakhat a timtuah ih, Jonah cu zarhnm in a harsatnak demter dingah a kiangah a toter. Cui kung ruangah Jonah cu a lungawi zet, cule a zarhnm hnuaiah cun a itthat. (<i>Jonah 4: 5-6</i>) • Asinan a thaizing khawvan zangwah Pathian in pa-ngang a timtuah ih, cuh pa-ngang cun cuh kung cu a ei ih a vuai. Ni a suah tikah Pathian in a cak zet mi nisuahnak lam thli a hranter, cule ni in a sat ih Jonah cu a cau. Jonah cu a cau zet, curuangah ka hrangah nun hnakin thih a thasawn tiah Pathian hnenah a ti. Kung pakhat a thih ruangah Jonah cu Pathian tlunah a lungawi lo. Zan khat thilthuih khu, a phun lo mi kung pakhat ruangah ziangruangah na thin a heng tiah Pathian in a ti. Pathian thei lo mi 120,000 nunnak zuah an si ruangah na thin a heng ding a si lo tiah Pathian in a ti. (<i>Jonah 4: 7-11</i>) • Leitlun ih a um laiah Jesu in Jonah thuhla a rellang ti sim hai aw. An hnenah, Jonah khal ngapi pum sungah ni 3 le zan 3 sung a um vekin, kei khal ka um ve ding tiah a sim hai. Jesu-ih thuhla a theitu Nineveh khawmipawl cu an thin a heng nasa ding, asinan amah an zum cuang lo ding, ziangah tile Jonah hnenin lungthleng ding thu an ngai zo. Jesu cu Jonah hnakin a ropisawn ruangah kan zum ding a si. (<i>Mathai 12: 40-41</i>) Biblethu zir le tuah ding mipawl tuah thluh aw. Hmuh hai aw: FBI – Jonah le ngapi (I)
ZOHSAL AW	A tul asile Câng hril hi zirh awla, simfiang aw – <i>Mathai 12: 41</i>
NUNPI AW	Thuanthu zohkirsalnak hrangah a hnua lamih thusuhnakpawl hi hmang aw: • Ziangruangah Pathian tlunah Jonah a thinheng sipei? • A parih thleng dingin a duh mi kha ziang a si? • Khuiah Jonah a feh? • Jonah bawm dingin Pathian in ziang a thlah? • Kung pakhat tlunah ziang a thleng? • Ziangruangah Jonah a riah a sia? • Jesu hnenih thil thleng mi le Jonah parih thleng mi ziangtin khaihkhin a si?

C12 Thuanthu 1

Pathian in a Fapa Jesu a thlah – Himi thuanthu cu Jesu suah thu a si.

	Kan zir thei mi thu hnih: • Jesui suahnak thuanthu • Jesu cu Pathian Fapa, naute vekin leitlun ah a rung suak. Câng hril: 1 John 4: 14 Bible Thu hlawm: Luke 2: 1-7
THEIHTER AW	Naute zuk nauhakpawl hmuh hai aw. (A cang thei asile na nauhak lai zuk hmuh thei tum aw, asilole an nauhak lai zuk nauhakpawl kengter hai aw.) Naute khui hmun ah an suk theu ti reltlang uh, thimnakah.... Sizung ah, asilole an kilkhawinak hmun pakhat khat ah, thimnakah.... it dingih na hlum tikah ziangtin an tuamhlawm. Tuisun ah naute a suak ti mi thuanthu an zirtlang ding a si.
ZIRH AW	• Rom ram uktupawl cun an uknak ram sungah mipum ziangziat an um ti theih an duh. Zokhal anmai suahnak khua le ram ciar ah fehin hmin a pe ding a si. (Luke 2: 1-3) • Joseph le Mary cu Nazareth khua ah an cêng. Neiaw dingin hamawknak an tuah cia zo. Mary cu naute a nei zik teptep thlang. <i>Mary hnenah Pathian Fapa a si ding tiah a rak sim cia zo ruangah naute cu miropi zet a si ding.</i> Nazareth khua suahsanin Bethlehem khaw lam panin hmin pe dingah an feh. (Luke 2: 4-5) • Bethlehem ih an um laiah naute cu a suak. Mary cun naute cu puante in a tuam ih, ran khêng ah a hlum, ziangah tile riahnak hmun an co nawn lo. • <i>Ran khêng cu sañil rawl peknak ih hman mi a si ti nauhakpawl simfiang aw, cule cui hmun cu naute retnak hmun ding a si maw ti reltlang uh (Thuhmaihruai thu thawn pehpawrter aw).</i> (Luke 2: 6-7) • <i>Naute cu Pathian Fapa si khal sehla hmun harsa zetah a suak ti simfiang hai aw, cule innsang harsa ze in a thanglian mi a si fawn. A Fapa leitlun ih a run thlahnak hmangin Pathian in ziang tlukin in duhdawt ti a langter, cule naute cu ni khat khat ah a hung thanglian ding ih leitlun mi rundam dingah khraws ah a thi ding. (Câng hril zoh aw)</i> Biblethu zir le tuah ding mipawl tuah thluh aw. Hmuh hai aw: FBI – Jesu suahnak thu (P & I)
ZOHSAL AW	A ðul asile Câng hril zirh awla, simfiang aw – 1 John 4: 14.
NUNPI AW	Thuanthu zohkirsalnak ah a hnuai lamih thusuhnakpawl hmang aw: • Kha lai cân ah zo in ram a uk? • Rommipawl in mi kip ziang tuah an fial? • Joseph in zo so nupi ih thit a tum? • Joseph le Mary khuiah an cêng? • Hmin pe dingah khuiah khual an tlawng? • Naute suak mi a ropitnak hleice ziang a si? • Mary in naute ziang in a tuam? • Mary in naute khui hmun ah a ret?

C12 Thuanthu 2

Pathian in Rundamtu Jesu a thlah – Himi thuanthu cu tuu khālpawl hnenah vancungmipawl an lang ti mi thu a si.

	Kan zir thei mi thu hnih: - Jesu a suak ti mi thu sim hmaisabik mi cu Tuu khāltupawl an si. - Jesu cu leitlun Rundamtu a si Cāng hril: <i>Luke 2: 11</i> Bible Thu hlawm: <i>Luke 2: 8-15</i>
THEIHTER AW	Hmin thuhla nauhhak thawn reltlang uh. Ziangruangah an hmin sak a si ti an thei maw sut hai aw (An lakah naute thar nei pekte an um asile a hmin kha ziangruangah an hril ti relter aw.) Hmin an sak mi si lo, hmin dang in an ko duh maw ti sut aw..thimnakah... duhkawhnak hmin. Pathian Fapa suahnak thuanthu sunglawi zet nauhakpawl mangter hai aw. Naute cu a hmin dingah Jesu tiah an sak ih, culo hmin sunglawi dang khal a nei ti nauhakpawl simi aw.
ZIRH AW	- Bethlehem in a nainak hmun ah tuu khālpawl in zan ah an tuupawl an kil. (Luke 2: 8) <i>Tuu khālpawl in zan ah ziangruangah an tuupawl an kilhaw a ʔul ti simfiang hai aw. Jesu suahnak lungawiumza thuthang theitu hi anmah lawng an si men ding.</i> - Van parin vancungmipawl an rung lang. Tuu khālpawl cun an ʔih tuk. Vancungmi in an hnenah “ʔih hlah uh, mi hmuahhmuah hrang lungawiza thuthang ka run keng. Tuisun ah, Bethlehem ah Rundamtu a suak, amah cu Bawipa, Jesu Khrih a si. Naute cu puan in an tuam ding ih, ran khēng ah an hlum ding.” <i>Jesu an kawhnak hmin dang nauhakpawl sut hai aw..thimnakah... Khrih, Bawipa le Rundamtu. Jesu cu Rundamtu tiah kawh a sinak hmutin in sim hleice aw, ziangah tile leitlun mipawl an suahnak in a rundam hai ding a si. Jesu cu a hung tum tikah in Rundamtu siin, anih cun kan sualpawl lakhlohnak dingah Khraws parah a thi a si. (Luke 2: 9-12)</i> - Hmakhatteah, vancungmi burpi cu van parah an rung lang ih, Pathian an thangʔat, “Cungnungbik hmun ah Pathian cu thangʔat si seh, Leitlun ah daihnak um seh, Minung hnenah duhsaknak um she, tiah an ti!” <i>Pathian in leitlun ah Rundamtu Jesu a run thlah ti mi cu mangbangza ngaingai a si ti mi nauhakpawl mangtersal aw, cule vancungmi in an thangʔat vekin kan hrangih in tuahsak mi ruangah thangʔat ve ding kan si. (Luke 2: 13-14)</i> - Vancungmipawl an hnenah ihsin an feh thluh tikah tuu khāltupawl cun, “Atu-ah Bethlehem khua tiang va feh uhsi la, Bawipa ih in rak sim mi thil cang mi cu va zoh hnik uhsi,” tiah pakhat le pakhat an tiaw. (Luke 2: 15) <i>Jesu cu Pathian in kan zate hnenih in pek mi Khritmas thilpek sunglawi le ropi a si ti thei dingin nauhakpawl bawm hai aw.</i> Biblethu zir le tuah ding mipawl tuah thluh aw. Hmuh hai aw: FBI – Tuu khāltupawl in Jesu an bia, Tuu khāltupawl in Jesu suahnak thu an thei.
ZOHSAL AW	Cāng hril hi a ʔul asile zirh awla, simfiang aw – Luke 2: 11
NUNPI AW	Nauhakpawl kha tuu khālpawl umnak hmun zuk suai hai sehla, an hmanrua a phunphun – puanhmul, cahnah aire, card, pua nhmul, zuk ..tvp. Asilole thuanthu zohkirsalnak ah a hnuai lamih thusuhnakpawl sang aw: - Hramlak ih umpawl kha zo an si? - Ziang tikcucān saw a si? - Van ah ziang a lang? - Tuu khālpawl in ziangtin an khansa? - Vancungmi in zawi suahnak thu an sim? - Van ah ziang a khat? - Ziang hla an sak?

C12 Thuanthu 3

Tuu khālpawl in Jesu an hmu – Himi thuanthu cu Naute va zoh hmaisai bik tu ti mi a si.

	Kan zir thei mi thu hnih: - Jesu an va hmuh tikah Tuu khālpawlih nun a thleng danglam. Jesu in kan nun in thlengdanglam thei ve. - Naute vekin Jesu leitlun a rat cu mangbangza a si. Tuini tiang Jesu thuhla a thangsua hi mangbangza ngaingai a si. Câng hril: <i>Luke 2: 20</i> Bible Thu hlawm: <i>Luke 2: 16-20</i>
THEIHTER AW	Lungawiza thuthang theih mi an neih asile nauhakpawl kha relter hai aw. An hmuhtawn mi zohthim ding relter aw ..thimnakah.. naute a suak ti mi thu, asilole inn ra leng ding mi rualpi an um. Thu lungawium an theih ih, mi dang an va hlawm tikah ziangtin an um ti sut hai aw. Tuisun ih thuanthu kan zir ding mi cu tuu khālpawl in an theih mi lungawiza thuthang ti mi a si ti nauhakpawl sim hai aw, cule hi thu mi kip hnenah ziangtin an sim si pei.
ZIRH AW	- Tuu khālpawl in Jesu-ih thu lungawiza thuthang an theih tikah naute zoh dingih va feh ding an hiar tuk. Vancungmi in an hnenih a rak sim cia zo vekin, naute cu puan in an tuam ih, ran khēng ah an hlum ih, Mary le Joseph thawn an va hmu. (Luke 2: 16) - Jesu an va hmuh hnu cun an theih mi lungawiza thuthang an topi men thei nawn lo. An va hmuh mi le thil thleng mipawl cu mi kip hnenah an sim vivo. An va sim mi a rak theitu mipi cu an mangbang nasa. <i>Jesu suahnak thu hi tuisun ni tiang mangbangza a si lai ti mi nauhakpawl sim hai aw. Tuini khalah, a thihnak le a thawhsalnak mangbangza thutak kan thei rero lai. Tuu khālpawl in an hmuh mi mi dang hnenih sim an duh vekin, lungawiza thuthang, Jesu-ih thu kan rualpi kan sim sâwng ve ding a si. (Luke 2: 17-18)</i> - Thil thleng zaten Mary cun a hminsin ringring ih, a thinlung sungin a ruat. Tuu khālpawl cu an riahnak hmun ah an kirsal, asinan an hmuh le an theih mi thupawl an hngilh thei hrimehrim lo. An hmuh mi mangbangza thilpawl hmuahhmuah ruangah Pathian an thangthat ih, sunlawinak an pe. (Luke 2: 19-20) <i>Tuu khālpawl in Jesu an hmuh tikah an nun a danglam ih, thil cang mi cu an hngilh thei hrimehrim lo ti nauhakpawl sim hai aw. Jesu kan nun in kan theifiang zo ih, in Rundamtu a si ahcun kan nun a danglam ve ding a si. Khriemas cân ih laksawng kan co mipawl ruangah lungawi thu sim ding kan si. Tuu khālpawl in lungawi thu an sim vekin, Rundamtu Jesu ruangah lungawi thu kan sim ve ding a si!</i> Biblethu zir le tuah ding mipawl tuah thluh aw. Hmuh hai aw: FBI – Tuu khālpawl in Jesu an bia, Tuu khālpawl in Jesu-ih suahnak thu an thei.
ZOHSAL AW	Câng hril hi a ʔul asile zirh awla, simfiang aw – Luke 2: 20
NUNPI AW	Thuanthu zohkirsal nak ah a hnuailam thusuhnakpawl hi hmang aw: - Naute thar a suak ti thu tuu khālpawl hnenah zo in a sim? - Lungawiza thuthang an theih tikah ziang an tuah? - Bethlehem khua an va thlen tikah tuu khālpawl in zo an va hmu? - Naute Jesu khui fangah an hlum? - An hmuh mi thupawl tuu khālpawl in zo hnenah an sim? - Thil thleng mipawl zo in a mang ringring ih, thinlung sungten a hminsin? - Bethlehem in an kirsal hnuah tuu khālpawl khuhah an feh? - Zo in thangthatnak a pe?

C12 Thuanthu 4

John in Jesu baptisma a pek– Himi thuanthu cu Jordan Tiva ah Jesu a um ti mi a si.

	Kan zir thei mi thu hnih: • Thil sual zianghman a tuah lo nân, John in Jesu baptisma a pe. • Jesu cun leitlun ah Rundamtu a sinak hnañuan thawk thlang ding a si. Câng hril: <i>Mark 1: 7</i> Bible Thu hlawm: <i>Mark 1: 1-9</i>
THEIHTER AW	An innsang, tlawnginn le an khaw sungah mithupi an ra leng dah maw ti nauhakpawl sut hai aw. Lengtu an rat tikah timlamnak kan neih a ðul ti reltlang hai uh. Tuisun ih thuanthu ah mi pakhat Jesu hrang lamzin sialtu a um ti nauhakpawl sim hai aw.
ZIRH AW	• Jesu a suah hnu kum 30 sung lai a si zo nân, Bible in a thuhla a rellang tuk lo. Nazareth ih an innsang in a ðhanglian ih, a pa vekin lettama hna a ðuan ve ko ding tiah zum a um. • Jesu cun sungkhat nai John ti mi a nei. Anih cu baptisma petu John tiah kan thei cio. John cu kalauk vun hnipuan hruhin, ramthing ah a um ih, khuaiti zu le kharbawklaw ah a hmang. <i>(Mark 1: 6)</i> • Baptisma petu John cu thusimtu a si. A hna thupibik mi cu Bawipa Jesu ratnak ding hrang mipi man cia dingih timlam a si. John ih thuphuan mi ra ngai dingah mi tampi an ra suakkhawm. Baptisma a pek hai phahin, amah hnakihi ropi le thiltithe i mi pakhat a ra rero lai tiah a sim. Jesu-ih thuhla a sim tikah hitin a sim, “Kei cu a kedam phawih tu ding hmanah ka tlak lo,” tiah a ti. Ni khat ni ah mipi hnenah Jesu in Thlarau Thianghlim a run thlah ding tiah a sim hai. <i>(Mark 1: 4-5, 7-8)</i> • Jesu cu kum 30 a kim thlang, a suah lai ih vangcungmi in an rak phuan cia vekin, Pathian hnenih ra dingah mipi sawmnak tuahin, thuthangtha sim a thawk thlang. John in thu a simnak le baptisma a peknak hmun Jordan Tiva ah Jesu cu a feh. John cun Jesu cu Jordan Tiva ah cun baptisma a pe. <i>(Mark 1: 9)</i> • <i>Jesu cu a sualnak ruangah baptisma a co ve a ðul lo. Jesu cu Pathian Fapa a si ih, a famkim ruangah thil sual zianghman a tuah dah lo. Jesu in baptisma a co tikah sual nei si loin, kanmah vek misual dinhmun in a rung sawn a si. Cutin ni khat khat ah kan sualpawl ngaidamnak hrang, khraws ah a thi ding a si.</i> Biblethu zir le tuah ding mipawl tuah thluh aw. Hmuh hai aw: FBI – Baprisma petu, John.
ZOHSAL AW	A ðul asile Câng hril hi zirh awla, sinfiang aw – <i>Mark 1: 7</i>
NUNPI AW	Thuanthu zohkirsalnak ah hmangin a hnuai lam thusuhnakpawl sang aw: • Jesu khui hmun ah a ðhanglian? • Jesu-ih sungkhat kha zo tin an ko? • Ram car ah John in ziang a ei? • Zo a ra rero lai tiah John in a rel? • Baptisma petu John in Jesu cu keimah hnakin a _____ ding tiah a ti? • John a tawn tikah Jesu kha kum ziat hrawng a si? • John in Jesu hrangah ziang a tuah? • Jesu in a sualpawl ngaidam a ðul ve maw?

Zirnak Hmat Pekdan Sayapawl Khiihmuhtu

LEVEL 1 ZIRNAKPAWL:

- Cahmai pakhat (asilole cabu sungih cahmai pahnih) zarh tin rāwng hnih le ṭawngfáng kimter ti mi a um ringring.
- Zarh khat hrangah hmat 10 pek ding a si, thla khat ah hmat 40.
- Level 1 zirnak cotu nauhakpawl cun ṭha teih ca an siar thei ding kha nu le pa/hotu/sayapawl in beisei loin bāwm tum ding a si.
- Thusuhnak sannak hrangah hmat 2 a si pei ih, rāwng hnih man ah hmat 8, cutin zirnak pakhat zate hmat kāwm cu hmat 10 a si ding.

LEVEL 2 ZIRNAKPAWL:

- Zarh khat ah cahmai pahnih. (cabu te sungah cahmai 4 a um)
- Zirnak sungah thuanthu an tel thluh. Tlawngtapawl in ṭawngfáng phunphun kha zirnak sung ihsin hawl hai seh, rāwng hnih hai seh, Bible Cāng Hril kim ki ngan hai seh.
- Zarh khat hrangah hmat 20 pek ding a si ih, zirnak thusuhnakpawl dikteih an tuah asile, a tlangpithu in thla khat hrangah hmat 80 man zir ding a si.

BIBLETHU HMAT PEKDAN

HMAT PEKDAN

Sayapawl kha himi tuah hmaisa dingih ngen an si:

- Zirnak kip kha ṭhaten cek awla, an sannak cahnah kha a hman le hman lo ṭhaten cek awla hminsinnak ngan aw.
- Na sim hai vekih an phi asile, lawmman ah hmat ṭha pe hai aw.
- An phinak ball pen asilole khedan rāwng thawi rāwng bangaw lo ball pen in hmat pe awla, a hman mi a phi cu hmat pe aw.
- Dik lo ih an phi mi le an ngansual mi cu a dik mi a phi ngansak vivo aw. Cafáng ngansual mi cu hmat pe tho tho aw.
- A phi a hrek lawng dikih an ngan mi cu hmat kim pe hlah aw.
- Hmat an ngah mi zate kāwm kha zirnak cabu te cahnah netabik ah ngan awla, thapeknak ca tete ngan aw.

Hmat pek thu ah a mawitawkih tirhsian a ṭha, nauhakpawl Bible an zirnak ih thapekthiam a pawimawh zet. Thla tin saya in cabu a lawngnak ah khan thapeknak ca te ngansak ringring hi a thupi tuk. Rāwng an hnih mi parah siseh, an kut ngan mawinak parah siseh, hmat an hmuh ṭhat mi parah siseh, tlawngtapawl in an zir mi thu an theih mi parah siseh faknak le thapeknak duhum ṭawngkam tete ngan ṭheu aw. Cun a phi an sual rori mi hmat pek tho tho tivek cu ti lo lawlaw ding a si.

Faknak ṭawngkam khal a phunphun hman ding a si. Nauhakpawl an thatho ding le Bible zir an duh ding hi hmuitin awla, faknak ṭawngkam tete khal nganthiam tum aw. Na faknak ṭawngkam kha amah kel ringring a si ahcun mual a nei lo ding ih, sullam um lo ah a ang ding.

LEVEL 1

Faknak Tlangpi

“Mawite – hih zirnakpawl na thawk thei ruangah ka lung a awi tuk, nuam na ti ka zum. Rāwng na hnih mipawl hi mawi ka ti ih ka duh hai tuk.”

“Tlawng na kai maw? Na tlawng thu i sim hnik aw. Na hnen ihsin thuhla theih ding ka hngakhlap zet.”

“Na tiṭha tuk, Andru. Rāwng hnih na thiam tuk, a mawi ka ti tuk! Rāwng na hnih mi kha rīn sung rori ih hnih kha a har maw? Zirnak netabik ah khin rāwng na hnihdan malte na tisual deuh.”

Thlarau lam thu ih faknak

“Na tiṭha tuk, Sarah. Jesu in Jairas a bāwm hi ziangtluk mithlawsuak a si ti aw.”

“A phi na ngan mi a ṭha tuk! Jesu thih thu thuanthu hi riahsiatumza a si na ti lo maw, asinan a thawhsal hi ziangtluk lungawiumza so a si ti aw.”

LEVEL 2

Faknak Tlangpi

“Na phi mi a ṭha tuk lala, Vante – Tlawng na kainak ih na sayapawl cu na ca zirnak le camibuai na tuah mi ah a lung a awi zet ṭheu ding ka zum!”

“Na birthday a thleng cing ding ti ka thei, Connor. Na birthday hrangah ziang nan tuah ding? Na tuah mi kip ah hlawhtling hram aw!”

“Nasa zetin Pathian thu na zir ti ka thei. Malte lawng sual mi na nei. Biblethu zirnak thusuhnak sannak na ngan tikah ceksal ṭheu aw maw!”

Thlarau lam Faknak

“Naute Jesu rankheng sungih a um rāwng na hnih mi kha ka duh tuk, na thiam tuk ka ti. Pa Pathian in a Fapa hi leitlun ih a run thlah hi a ṭha tuk ti aw?”

“Rāwng na hnih mi ka duh tuk! Zekariah in Pathian sim mi a zum lo ruangah, a zum lo man a tuar. Cumi hnuah Pathian Kamsuakthu parah rinhlelhna a neisal nawn lo.”

“Thusuhnak na san mi a ṭha lawlaw. Ramṭhing ih Filip tawngtu pa kha lungawi zetin a fehswak ti aw!”



© Bible Educational Services 2015

www.besweb.com

Registered Charity UK CIO 1186004

CFM (Falam Chin) 05/2024